



Ххазинасса ирс къабивтссар

Махачкхалалив, Лакрал театрдануву, лавайсса даражалий хьунни цанихсса учитель, гьунар бусса шаэр, композитор Шагьимардан Акниевлул творчествалун хас бувсса, ва дакІнин утлатисса мажлис.

7
лаж.



ЧАРШИ

№ 13
(2327)

9 апрель 2026 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІссар 1917 ш.
Цунил итабаклан бивкІссар 1991ш.

Владимир Путиннул каялувшиврийсса совещаниялий




Апрельданул 7-ний ВКС-Арал низамрай хьунни Аьрасатнал президент Владимир Путиннул каялувшиврийсса Дагъусттаннайсса тагьарданул хІакьбиравусса батІаву.

Дагъусттаннал бакІчи Сергей Меликовлул президентнахъ бувсунни яла гьарзану зараллу бивсса муниципалитетиртайсса тагьардая. Табиаьтрал апатІрал цалчинмур шатІи лавгукун, тагьар цалийн дуцин бювхьуну бур, амма ялагу ларчІун диркІсса гужсса гьараллая махъ цунилгу захІматсса тагьар хІасул хьуну дур. Цуксса хІайпнугу, ливтІуссагу бур.

Зараллу бухлаган баврил давуртту ттигу найнна дур, зий бур зараллан кьимат бищаврил комиссия, зий бур тамансса инсант ва техника – 1,3 азара инсан ва 241 техника, Аьрасатнал МЧС-рал вертолет.

Аьрасатнал министртурал бувсунни Табиаьтрал апатІрал биян бувсса зараллу бухлаган



баврицІунсса давуртту дуллай бушиву. Аьрасатнал президентнашалсса ихтилатравух гьуртту хьунни АьФ-лул строительствалул ва ЖКХ-лул министр Ирек Файзуллин, АьФ-лул цІуллусагъшиву дуручаврил министр Михаил Мурашко, АьФ-лул транспортрал министр Андрей Никитин, АьФ-лул шярвал-

лил хозяйствалул министр Оксана Лут, АьФ-лул Табиаьтрал луртаннал министр Александр Козлов.

Ахирданий Владимир Путиннул хІукму бунни ДР-лий Табиаьтрал апатІрал биян бувсса зараллу бухлаган баврин хасьсса хІукуматрал комиссия дузал буван.

Дагъусттаннал Халкьуннал Мажлисрал председатель Заур Аскандаров ивунни Дарбантулал райондалийсса Мамедкьалалал шяравун. Ва шярваллин тамансса зараллу биян буну бур уттигьанну ливксса Табиаьтрал апатІрал.

Заур Аскандаров увкІунни зараллу бивсса Мамедкьалалив



Щанасса ппурттуву шяраву баштганма щинахьхьун лавгун бур 27 къатта, бачІи-къачІину – 600-нинал ливчусса. Чумуйнусса цамур КІанайн иян увну ур сайки 3 азара инсан. Заур Аскандаров кІул хьунни шяравусса тагьарданушал, шикку Табиаьтрал апатІрал биян бувсса зараллу бухлаган буллалиминнал давуртташал, ЯтІул ххачлил буллалисса кумагран дуркІмур инсантурайх дачІаврил низамрашал.

Яла Заур Аскандаров хьуна-авкьунни волонтертурал шта-

брал координатор Анна Безруковашал. Ванил бувсунни аьмну давуртту цукун сакин дурну дуссарив. Ванил бусаврийну, шярваллил щинахьхьун лавгмур бутІуй мониторинг дуван захІмат хьанай бусса бур, тиккун бияншиврул аьркинну бур хасьсса пишакартал ва лодкарду. Шикку ххал бивгьунни цаймигу масьалартту.

Заур Аскандаровлул дунни цаппара тапшурлугьру, тикку гьаз бувсса циняв масьалартту дузал баву мурадрай.

Ххал дунни Цуссаккулувсса тагьар



3 лаж.

Юрий Чайка хъунаавкъунни Сергей Меликовлушчал

Юрий Чайка ва Сергей Меликовлушчал ххал бивгъунни Дагъустаннай ва Чачанна Республикалий тѳабиаьтрал апатѳрал биян бувсса зараллу бухлаган баврил хѳакъиравусса масъалартту.

Апрельданул 3-нний АѳФлул Президентнал СКФО-райсса вакил Юрий Чайка къуллугърал аьрххилий увкѳунни Махѳачкъалалийн. Республикалул бакѳчинашчал ва федерал ведомстварттал вакилтурашал цаѳу президентнал вакил ивунни чъвхъагъараллал зараллу биян бувсса объектирдайн. Юрий Чайка ивунни мукуна Махѳачкъалаливсса «Приморская» подстанциялийнгу, ва бакъин буван тамансса хѳарачат буллай бур МЧС-рал пишакартал. Цѳанасса ппурттуву подстанция зий бур муданмасса низамрай.

Тагъарданушчал кѳанттукѳанттурдай кѳул хъуну махъ, миннал дунни хъусса зараллу бухлаган баврил хѳакъиравусса батѳаву



Дагъустаннал МЧС-рал Ситуациярттал центрдаий Юрий Чайка ва Сергей Меликовлушчал дирхъунни шагъурда ва районная бувкѳсса зараллу бивсса инсантурал бусласимуних.

ВКС-ралнизамрай Махѳачкъала, Буйнакск шагъурдал ва Хасавортуллал райондалул бакѳчитурал бувсунни тѳабиаьтрал апатѳрал биян бувсса заралла ва ми бух-

лаган баву мурадрай дуллалисса давуртта.

Батѳаврий гъартану бувсунни лирмур ччаннай даѳан даврил ва паччахѳлугърал бансса кумаграл хѳакъираву.

Батѳаврий махъ лахълай, Юрий Чайка бувсунни Ухсавнил Ккъавказуллал субъектирттай мартрал 27-нний гъавалул тагъар хъинну дах-

хана хъуну диркѳиву. Ванал тѳимунийну, чѳярусса гужсса гъараллу лачѳаву ва гужсса марч сукку шаву сававну, кучарду ва цаймигу кѳанттурду щинахъхъун лавгун бия. Лахѳунттив дурцуну дия, инфраструктурартту пасат хъуну дия. Бюкъан бувну бия 8 азарваксса къатри, сайки 6 азарда тѳювалуцѳунсса учасокру, сайки 350 машинарттал ххуллурдал кѳанттурду. Зия хъуну бур 17 машинартту лагайсса, 16 инсантал лагайсса ва 2 мухал ххуллу лахъайсса ламурду, лиян бувну бур транспортрал ххуллурду, электроэнергиялул ва газрал сетьру.

«Округрал субъектирдал паччахѳлугърал влаьстрал органныл цила чѳумал дурсса давурттайн бувну, контрольданийн ласун бювхъуну бур шикку хъусса захѳатсса тагъар, инсантал оьмурдаѳа хъун къабивтун бур, лавкъуну бур инсантал чѳумуйну битансса кѳанттурду, бювхъуну бур щинахъхъун лавгсса кѳанттурдая халкъ буккан буван, ми щинал дузал буван,

зараллу хъусса кѳанттурдайсса халкъ щинал, дукиялул, электроэнергиялул ва газрал дузал буван», – увкунни Юрий Чайка.

Дагъустаннал бакѳчинал бувсунни цѳанасса чѳумал тагъар цукунсса дуссарив, личѳинурасса тагъар хъусса кѳанттурдай цукунсса давуртту дуллай буссарив, гъараллал ва мурчал биян бувсса зараллу бухлаган баву мурадрай.

Масъалалия ихтилатру бунни мукуна исполнительный влаьстрал регионнал ва федерал органныл вакилтуралгу. Чачаннал Республикалийсса тагъардания бувсунни ЧР-лул Хѳукуматрал председателънал хъирирвчу Рустам Шаптукаевлул.

Юрий Чайка бувсунни зараллу бухлаган баврин хасну дуллалисса давуртту къуртал дуван аьркинну бушиву чъясса чѳумул мутталий. Ванал мукуна кѳицѳ бунни яла чъясса чѳумул мутталий хасъсса Хѳукуматрал комиссиялийн тѳайла буккан аьркиншиву циксса зараллу арцуйну бивну буссарив тастикъ буллалисса документру.

Аьрщарал ва хъус-хъиншиврул стратегиялул сессиялий

Апрельданул 2-нний Дагъустаннал бакѳчи Сергей Меликов гъуртту хъунни Аьрщарал ва хъус-хъиншиврул комплексрал управлениялул масъаларттаѳун бавхъусса стратегиялул сессиялий.

Сессия хъунни «Россия – моя история» тарихрал музейраву. Муний гъуртту хъунни исполнительный влаьстрал органныл каялувчитал, муниципалитетиртал бакѳчитал, депутатътал, элмулул, Росреестранул, Роскадастрданул вакилтал.

Сессия байбишин хъхъичѳ региондалул бакѳчинал ххал дунни «Интерактивный кадастр: цифровые решения для точного измерения» тѳисса выставка. Тикку дия мукуна лазерданул сканер, мобиль системартту ва цаймигу затру.

Стратегиялул сессиялий ххал дигълай бия укунсса темарду: внедрение Национальной системы пространственных данных (НСПД), зумардаѳухсса линиярттал дазурду дуруччаву, кадастрданул къимат бишаву, территориярттал плану даву ва муниципал аьрщарал контроль.

Цѳусса зузи кѳанттурду, уздансса инфраструктура ва дузалсса территорияртту – укунсса хѳасиллу хъунтѳий дур Дагъустаннай НСПД-лул программа бартдигъаврийну.



Платформалул цаѳун буллалиссар аьрщарал участокирттаясса, къатраясса, административ дазурдаясса, культуралул объектирдал ирсирдаясса, тѳабиаьтрал территориярттаясса ва цаймигу объектирдаясса информация.

– Дагъустан хъанай бур программа бартдигъаврил пилотный проект. Республикалул му бусравсар, амма муницѳунма тѳалав дуллалиссар хъуннасса жаваблушивугу, – увкунни Сергей Меликовлул.

2021 шиная шиннай ЕГРН дуѳин давриву региондалул тамансса хѳасиллу хъун дурссар. Вай давурттайну бюхълай бур гъарза дуван дачѳрасса, илкинса, ишла дуллансса аьрщарал участокру, объектирдал када-

стралул къимат лахъ буван на логуру гъарза дуван.

«Амма жула хъунмур мурад – отчетравусса цифрарду бакъарча, республикалул ялапарлувтурансса аьямсса хѳасиллур: цѳусса зузи кѳанттурдур, хъхъичѳунсса инфраструктурар, дузалсса территориярттур, бюджетрал доходру гъарза шавур», – увкунни Сергей Меликовлул.

«Территориярттал дянив аьчухсса дазурду дакъаьурча, къабюхъайссар хъун буван цалий бавцѳусса социал-экономикалул лавкку», – увкунни ванал.

Сергей Меликовлул тѳимунийну, Дагъустаннай гъарза бутѳа – строительствалия байбивхъуну шяраваллил хъийствалийн биянѳа бавхъуну бур

аьрщарал ва хъус-хъиншиврул масъаларттаѳун.

Сергей Меликовлул личѳинурасса къулагъас дунни регионалий уттигъанну хъусса иширттах.

Региондалул бакѳчинал ккаккан бунни республикалул аьрщарал ва хъус-хъиншиврул комплексравусса агъамми задачартту:

2026 шинал ахирданийннин муниципалитетирттал, шяраваллал ва шагъурдал дазурдаясса сведенияртту лавсун къуртал буван;

чъясса мутталий кѳул буван недвижимостърал объектирдал правообладательтал (заллухъру);

илкинса аьрщарал участокирттал инвентаризация дуван, ми ишла дулланшиврул;

«Роскадастр» ППК-лулцѳунсса проект бартдигъин.

Заур Аскандаровлул аьрщарал контрольданул хѳакъираву бувсунни, му чара бакъа дуван аьркинса даву душиву, мунил кумаграйну бюхълай буну тѳий ттинин мюнат бакъа диркѳисса аьрчи зузи дуван. Ванал тѳимунийну, аьрщарайсса контроль – му кѳанттул цилакаялувшиврул органныл тѳайланмасса буржлувшивур. Парламентрал спикернал бувсмунийну, цап-

пара муниципалитетирттай мукунсса контроль аьркинса даражалый сакин бувну бакъар.

Территориярттал капитализациялул хѳакъираву бувсунни паччахѳлугърал регистрациялул, кадастрданул ва картографиялул федерал къуллугърал каялувчинал хъирирвчу Людмила Линаинал. Ванил гъартану бувсунни ЕГРН-лувун недвижимостърал объектирдаясса сведенияртту ласаврил давуртту республикалий бартдигъаврил хѳакъираву.

ДР-лул вице-премьер, аьрщарал ва хъус-хъиншиврул арардал министр Заур Эминовлул бувсунни Дагъустаннай дузал бувну бушиву республикалул НСПД-лул школа. Микку хѳадур буллан тѳий бур региондалул аьрщарал ва хъус-хъиншиврул управлениялул бутѳуву зунсса пишакартал.

Сессиялул даврил хѳасиллу дуллалисса махъ лавхъунни ДР-лул паччахѳлугърал регистрациялул, кадастрданул ва картографиялул къуллугърал каялувчи Арсен Пирмаѳаммадовлул.

Масъалартту ххал бигъавривух гъуртту хъунни республикалул премьер-министр Абдулмуслим Абдулмуслимов.

Пленар заседаниялий дурунни балжисса тапшурлугъру.

Экспорт сайки шамлийну лахъ хъуну дур

Мартрал 31-нний «Дагѳстан» РИА-лий хъунни Дагъустаннал Экспортраѳун кабакъаврил центрданул директор Руслан Аьппаскулиевлул пресс-конференция. Муний ванал бувсунни ларгсса шинал дурсса давурттал хѳасилла. Руслан Кулиевлул тѳимунийну, ларгсса хъюра шинал мутталий Дагъустаннаясса экспортрал лагрурду гъарза хъуну дур сайки шамлийну.

Ми ккаккяртту тастикъ дурну дур ДР-лул Хѳукуматрал председателънал отчетраву.

2025 шинал Экспортрал центр чялишну зий бивкѳун бур республикалийн къатѳалил билаятирттал уртакътал кѳункѳу баврил иширттах. Республикалийн бувкѳун бия Алжирнал ва Беларусьнал делегацияртту Дагъустаннашчал хѳалагъуртту зунсса мурадрай. Дагъустаннал ишбазаранчитал

бизнес-миссиялий лавгун бия Оманнал Султанатрайн.

Руслан Аьппаскулиевлул бувсунни мукуна, чѳал бакъа Дагъустаннал сокру Тайланднавун тѳайла дуклан тѳий бушиву. Ванал тѳимунийну, масъала дузал хъуну бусса бур. Уттиливчѳун бур шаллу буван так сертификатиртталмур масъала. Микку хъунмур захѳатшивуну личѳлай дур логистика дузал даву.

Ялагу ххал диргъунни Дагъустаннай 50 гектарданийсса зайтундалул багъ бансса проект дузал даврил масъала, багъ бувну махъ пикри бусса бур зайтун занакъала байсса (перерабатывающий) цехгу буван. Зайтундалул багъру бантѳий бур Махѳарамкантулал ва Дарбантулал районнай. Сипталуцѳун авкъуну ур республикалул бакѳчи Сергей Меликов. Ванал бувсун бур зайтундалул аьгъушиву жула

регионалий хъинну тѳалавну душиву. Мунил хѳакъиравусса ISFA компаниялушчал къутѳисоглашениялий къулбасру дурну дур Петербургулал дуниялул халкъуннал экономикалул форумрай.

Яла Руслан Аьппаскулиевлул жавабру дуллунни журналистътурал суаллахъхъун.

Лажин хѳадур дурссар
ХИ. АБДИЛОВЛУЛ

АпатІрайнусса зараллу кЪулагЪасралу бур

АрвахІкьини ДР-лул Хал-Акъуннал Мажлисрал хъунаманал хъиривчу Камил Давдиев увкІунни Лакрал райондалийн тІабиатрал апатІирттая бивсса зараллан кьимат бишун.

Райондалул бакІчи Зураб Куччаевлул бувсунни райондалийсса тагъардания. Цаппарасса шархъавунсса ххуллурду ттигу бувану бур транспорт занансса даражалыйн буцин.

Техника гъан-дучІан кЪахъанай, ттукІгу, чанигу бакЪа, захІматсса тагъарданий дирчІсса Мукъархъиял махІлалыйн бульдозер тІайла дурккун, байбивхъуну бур лахІунттацІа ххуллурду марцІ булла. Архсса шархъал агъалиначІан диян дулла бур дукія ва чара бакЪа аьркинмур.

Камил Давдиевлул барчаллагъ увкунни Зураб Куччаевлухъ райондалий хІасул хъусса та-



гъарданух анавархъиндарай кЪулагъас даврихлу. Тапшур бунни тІабиатрал апатІрайну бивсса

зараллу бухлаган баврил ххуллайсса давуртту итталу дугъан.

Зулайхат ТАХАКЪАЕВА

Ккуллал райондалия

Вайннал мюхтажшиндарал чІарав бацІан аьркинни

Дахърая марххалттанил Дясирдануша ххассал хъусса Ккуллал райондалийсса шярваллу. Шикку ялапар хъанахъисса инсантуран хъунисса зараллу хъуну буссия. Республикалий хъусса ишругу чІалай, кЪаби-гъасса зунттал кІанттай ялапар хъанай аьдат хъусса инсантал, цала яхІирай лахълай бия цайн-на дурксса кьини.

Шанма-мукъва гъантлий ттукІ бакЪа, муниципун бавхІуну связьгу дакъа, инсантурая ябув-цун бия. Балчант бюкъануксса марххала бивсса чІумал, цуксса захІматну бухъунссия зунттай, мащай ризкьи ябуллалисса инсантуран. Цалчин бивсса марххала бассаннин, ванила ялун кІилчингу хъиннува хъунмасса марххала буну, инсантурал кЪатта-кЪушлил магъив, чІиртту левкъун, зараллу хъуну бур. Рай-центрданий Ваччаврагу связь дакъа, цукун-бунугу Гъумукун бавкІун, МахІачкъалалив телефоннавухъ овчин занай бия Ккуллал жьмат.

Вана уттигу сайки нюзмар шавай дур Ккуллал район цивилизациялия арх дурцун, я овчин, я чунчІав буккан кЪахъанай. Мюршисса оьрчІан, бугъараминнан ва мушакъатминнан медициналул кумаг банссарагу сант дакъа ливчІун инсантал. Цинявннан ккарксса видеороликрай ххал хъухъунсар Хъусрациял шярвалу марххалттанилу дирчІсса куц.

– Нюзмар хъунни шяраву ттукІ бакЪа, чунчІав овчин, буккан кЪахъанай. Ттучанну зий бакъар, дуки-хІачІия духлаглай дур. Шаймур булла бур, инсантурал кЪатрал магъая марххала бичлай, ка хъирив лаллай дакъар. Мадарасса халкъуннал кЪатрал магъив леркъунни. Шинмай личин бюхъайма бухъхъияра зула кЪатрал ци тагъар дурив ххал дан, – тІий, овьтІий ур Хъусрациял шярваллил ад-



министрациялул бакІчи Арсен Аьлларазуев.

Цаппара гъантрал хъьичІ шархъавусса ттукІрал ци тагъар дурив ххал дан на овкъуссия «Россети Северный Кавказ» ПАО-лул Ккуллал райондалийсса участокрал хъунама мастер Серегин Шамхаловлуין.

– Инттухунмай Ккуллал райондалул шархъавун бунни кІирашанна метра шавайсса марххала. Гъарица марххала бувтари, марч бившутари, буруккин багъай, вай ттукІрал тталлу зизинсар, ххаллу руцари хъунсар, шалла район ттукІ бакЪа личІанссар тІисса. Сайки цинярда шярваллаву мукун хъугу-хъунни. Ттула даврийн ачин машина марххалттанила буккан бан кЪахъанай ливчІра. ХІакъинусса кьини жул участокрайн хъар хъанай дур шархъавусса ттукІрал дузалшинна. ЧІаруми ттукІрал линиярттайсса ххаллу хІурану дуну, ччя-ччяни руцлан дикІай. Марххала бакъанийвагу захІматжапасса ххуллурду бусса шярваллаву ххуллу ласунсса техника, машина жучІа бакъар, – тІий ур ва.

Серегиннул каялувшиндаралусса участокрал зузалтрал шан-

ма гъантлул мутталай марххалттанивух хъьу-кьини дакъа зий, райондалул цинярдагу шархъавун чани бучІан бивссия. Вайннал захІмат зиялий лавгунни. Цала даву дакІнийхтуну дуллалисса зузалт уттигу техника къалагайсса зунттал шархъавусса ххуллурдайх занай, аварияртту хъусса участокру дакъин дулла бур.

Серегиннушал ва ванал зузалтрашал хъусса ттула ихтилатраву цІухху-бусу булла, вай кИшІ лаглай бур трансформаторду, ттукІрал линияртту дакъин дуллалисса яла бигъа дакъамур участокрай цивппа зий бушиву. Укунсса чІумал вай бур цала кІулминнахъ, гъалмахтурахъ зунттал шархъавун гъансса машинартту булара тІийгума занай. Буниялагу, вай цимурца иширттан аьркинну дур хъусса техника, хъьичІва-хъьичІ машина ва цала давриву ишла бансса ярагъ.

Вайннал мюхтажшин шаллу дан аьркинни ва даврил жаваб дулайсса хъусса кълугъирттал, вайннал чІарав ацІан аьркинни цума ухъурчагу ка-кумаг бан бюхъайма, каши дума.

Имара САИДОВА

Мартрал 27-нния 29-ннийн бияннинсса гъантрай гужсса гъараллу ларчІун Цуссалакрал райондалий, цІуминалийсса Цуссаккуллал, Чапаевкалал, Цуссалакрал шярваллаву, чІявусса кЪатрал хІаятру, кІичІиртту шинавун бювкъунни.

Цуссалакрал райондалия

Ххал дунни

Цуссаккулувсса тагъар

Вай иширттацІун бавхІуну Дагъусттаннал премьер-министр Аьбдулмуслим Аьбдулмуслимов увкІунни Цуссаккуллал шярвун. Ванал ххал бунни цукун най дурив бювкъсса кІанттурду щинава буккан буллалисса давуртту, мукунма ххал бивгъунни цуксса зарал бивну бурив Цуссаккуллал шярваллин.

Аьбдулмуслим Аьбдулмуслимовлушал шиккун бавкІунни вице-премьер Манвел Мажонц, райондалул бакІчи МаматИ ХІамзатов, шярваллил хозияствалул ва дуки-хІачІиялул министр Шамил Рамазанов, лак Цусса миналийн бизан баврил масъаларттаха зузисса Дагъусттаннал ХІукуматрал управлениялул хъунама Руслан МахІаммадов, Дагъусттаннал МЧС-рал хъунаманал хъиривчу Эльдар Атаев.

МаматИ ХІамзатовлул бусласимунийн буну, шин ялтту ларгсса кІанттурду марцІ булла бур. Шин дачиншиврул марцІ

дуккан дулла бур дренажрал системарду. Яла захІматмур тагъар дур Цуссаккуллал шярвуну.

Райондалийсса тагъардания буслай, Аьбдулмуслим Аьбдулмуслимовлул кИшІ лавгунни, чІявуми кІичІиртту ва багъру щиналу ливчІун бушиву, инсантал ялапар хъанахъисса кЪатран хъунмасса зарал къавхъушиву. Щиналу ливчІсса кІанттурдая шин дуккан дан хъусса техника дакъассагу, дирхъуну дур ххюра насос ва ххюра помпа. Ванийну давуртту анавар дуккан дан бюхъантІиссар. Зараллу хъусса кІанттурдай хъьу-кьини кЪаувкуну зий бур.

– Вай давурттацІун Цуссаккуллал шяраву бакъин бан баглай бур ххуллурдугу. Дулла буссар дренаж система. Укунсса ишру ттиния тинмай хъун кЪабитансса ххишаласса чаран ляхълай буссару, – увкунни премьер-министрнал.

Гъараллал хъунмасса зарал биян бунни



Цуссалакрал райондалийсса цаппара шярваллаву, хъунмурчІин Цуссаккуллал шярвуну, чІярусса гъараллу ларчІун, шин ялтту ларгун, баян бунни ЛяличІисса тагъар (ЧС).

Гъараллал хъунмасса зарал биян бунни инфраструктуралун ва коммуникациялун. Мунийну кІанттул инсантурал цІуллу-сагъшиврун нигъачІисса тагъар хІасул хъунни.

Ва тагъарданий ци зунсарив, цукун зунсарив, ссяя байбишинсарив ххал бигъин райондалул бакІчи МаматИ ХІамзатовлул райондалул администрациялий, «Трестрал» кЪатраву, мугълат бакЪа совещание дунни. Шикку гуртту хъунни профильданул подразделенирттал ва кълугъирттал жаваблусса зузалт. Хъунабакъаврил хІасиллаин буну, ккаккан бунни хъьичІ ххуттайн ласунсса масъалартту. Инсантурал

кЪатран, социал объектирдан ва инфраструктуралун бивсса зараллал хІисав-сан даву мурадрай, хъусса группардал ххал бан зарал бивсса кІанттурду. КЪатран хъунмасса зарал бивсса инсантал чІумуй бацІансса, ялапаршиннарал шартІру дусса кІанттурду шаллу бан, агъали хІачІансса щинал дузал бан, зарал бивсса инфраструктура цІу дуккан дан.

Вай масъалартту шаллу баву мурадрай сакин буну бур профильданул идарарттал вакилтураясса зузи группа. Группалу-вуминнал гъарица кьини баян булантІиссар райондалул каялувчи МаматИ ХІамзатовлуין дуллалисса давурттая. Ванал бувсунни анаварсса мутталай тагъар кЪулай дансса ва зарал бивсса шярваллал агъулданун кумаг бансса чаран ляхълай бушиву.

Анриана АБДУЛЛАЕВА

БакИрайва, найбунува учина, тгунма кIулцириннавугума цикссагу бушиву «сагъну личIаврийн шукру!» тIутИсса. Шин сававну ялун бивсса баламусиватраша ххассал шаврияр хъунсса тирххану дикIан къабюхъайссар тIутИсса. ТIайлар. Рязийра.


Жула инсантурал ссавругу ил-аблам махIаттал бувансса дур. МуницIухва, ялун ливксса балардугу ччяни ялатугу ласунав, инсантурал дакIурдива къумашивугу ччяни дукканнав, зараллу бивминнахъхун ссавур Заннал дулуннав тIий, ккуру ританна ттулламур гурга. Шагьрулул дязаннивсса квартира бавххуну, Редукторный посело-крайн, давричIан гъанну лавсун, бивзссияв.

«Приморская» тIисса подстанция, цахъис гужсса гьарал дуний мудан шинаву личIачИсса аваралул гавацIана гъанагъи бувна бакIраву суаллу: циванни хъхьирил зума-къирагърайсса къаучирча, хъхьиричIан гъансса подстанция бюкьякъанну лахъну къабишайсса? Шин къадацIайсса шяраваллал кIантурдайгума подстанциярду мудан гъазнурха бишайсса бивкIсса. Гъазнур бусса буттал шяраву ЦIувкIрав трансформатор.

Ва хулулхъу муква гъантлий чани бакъа бивкIру, шин дакъа бивкIру. Инсантуран хъуни-хъунисса зараллу хъуний, ламусри укусса иширтая гьалгъавагу сукку буллан. Амма, ва базилухъ, шил ци учирчангу, ламусрахун бувтун, ванияр хъунисса зараллу хъуссагу бурхха куну, къабагъайсса иш бакъар. Вава иш кIилчингу тикрал хъунутIийгу ва, гихунмайгу тикрал хъанансар тIисса нигъ дунутIийгу. КIилчинсса гъантар уттигу цIуницIа чани бакъа.

Лякъинхъуви уттивагу чаранну

Аьтартгал, мугьалтгал жюружантгалу МахIачкъала ливчИсса Аькинирдай хасну тгунма заралгу, асаргу хъусса иширай.



Хъхъу-къини цIуницIа шин дуккан дуллаи зий бушиву баян бунни энергетиктал ва МЧС-рал зуалт. Шин дуккан дайхту, оборудование къакъан дуванссар.

Гъаннайсса, кказит буккултрачIан бияннин, булунссар чани. Булунссар тIисса тамахI бур.

БукъавчIаймурдив чIявур. Дунияллул цумур-бунугу мурицIий ца бала хурча, Дагъусттаннал агъали хъхьичIа-хъхьичI бивзун, ххавххун бачай. Аьрасатнал МЧС-рал, цайми регионнал ххассалбултрал кумаграя тгун къабавунни. Ялун бучIарча къакулли.

На гуманитар кумаграя ва Ккавказуллал халкъуннал кумаграя бакъара тIутИсса. Ми кумагирттая личIину макъала чичлай буре. Ихтилат хасну МЧС-рал цакъалияр. Жулла республикалий шин лябуккулий, сантирай дуккан дайсса техника чанну духурча, му тIалав дуван, дучIан дувансса сантрив къадиркIсса? Муква гъантлий ца подстанциялягума шин

дуккан дуван къархъунни, хъхъу-къини захIаткаш-энергетиктал зий бунува. Ларайсса технологиярттал заманнай укусса ишру къабикIан аьркинни. ЧIявусса оьрчIру бусса кулпатирттан холлодильникирттавумур эькиличин багъунни. Бия дякый бакъа ябан къабучИсса ххирасса даруртту эькиличин багъунни тIутИссагу. Яла-яларив, дакъая связь. «Анаварсса кумаграл» машиналийнагу оьвчин хъанай бакъая, хIаятравун бувкун тихунмай-шихунмай лечлай, оьвчинсса хIарачат буллаи бия. Шинайнусса, тIабиаьтрайнусса баларду ялун бивний дикIан аьркиннихха связь. Ялагума укусний аьркин хъанайгу духувкун!

Итгав макъ дучIан дуллалисса бия инсантурал куннал кунан буллалисса кумаг. Даруртту, хIачIайсса шин аьркинса кулпатирттал хавар бувар тIий бия. Шин ххилай бия жул хIаятравунгу. Лавациял райондалиягума бувкIуна зунт-

тал шарашул шинал хъун къали бувцIуну. Лавайсса зивурдай, мюршисса оьрчIру буминначIан ххилай бия чIаххув-чIарахми.

Телефонну зарядить дуван дулара, шагьрулувун маьча-гъанначIан най ура, буре тIисса бия. Мукунма, лага-учIансса кIану бакъахурча, дачалий, чунмай-бунугу цацIанма нанияра, цала квартира гъантта бикIан булунну тIутИссагу бия. Балаллул инсантурал дакIру цацIун дурну дия. ЧIаравсса къатлу-ву (депутатътурал дом учай-чуккар) дукрагума хIаятраву цIарай дуллаи бия. Циняв ца урцIух ккуркки лавгун, хъатIан чIумал цацIу-чIарав чIун гъан дуллаи бия. Укусса суратирттал ххуйшивугу дакIурдиву кюртти бувну личIантIиссар. Хъиншиву, хъинбала буван хъит тIий бивкIминнал чаннасса симаннугу. Укусмирир республикалий чан бакъар, шукру Заннай.

«Талгинкалия» тIайла хъуну, цалчин дакъар ратIругу, нехругу зумардава личIачисса. «Илчилий» зий бивкIсса, цIана на кунма Редукторный-лив «Приморская» подстанция бюкьякъаву бухIан багъсса АьтIикат ХасмахIаммадовал къаучирчангу, ва Редукторный посело-краймур «Талгинка» ратIнил бутIа, шивун дичIачисса цинцIал бувцIуну бия. Сайрданий бувкний ратIнил чIарах гъан къашайва, гивасса кункъал оькшишивул. «Гъавалул тагъарданийну вакссава баларду къаликкантIиссия, шагьрурдай ливневкарду дурну диркIссания, хъунисса трассардай шинахулулурду бувну, шин неххардийн тIайла дарча, багъайсса

кIантурдай чIивиличIачИсса Каспий хъхьирин тIайла дарча», – укун тIий бур АьтIикат.

Ливневкарду къадурну ляркъусса (ягу жипаву дурну ляркъусса) чиновниктал бувгъушиву баян бунни. Гъаннайсса, цимил учирчангу, къини дуркунни инсантурайн. ХIучI тIий дур ттул дакI утти. Хъун гъарал къадуркния тIисса дуар дуллан багълай бур. Ливневкарду кунма сейсмопоясругу къабувну (ягу жипаву бувну) къалякъин. Гъарал мугьалтгал гъалакIу дурсса къатри, ца-кIива балланул зарзала хъувкунгу, къалекъан аьркинсса къатри леркъувкун, бан шайсса цичIав бакъанутIий. Бурччиннав бакъин буван къашаймур гъалатIрая, балардая, бюджетру жипаву бишин къистанал къанихшиврия. Гъарца бала-апатIрая Аллагънал цинявпа бурувчуну лякъиннав! Балаллухъун биривмигу ччяни чаннайн букканнав! «Хъумур хъунни, хъулуцIух бавцIунни» тикрал къахъуннав. Ягу: «Урша гъавгъунни, шин эькиларгунни» къахъуннав. Лякъинхъуви уттивагу чаранну.

Аьрасатнал Президентнал СКФО-лул Полпред Юрий Чайкал «Приморская» станциялийн ияйту, вагу, «Халимбекаул» тIисса подстанциягу ливневкалул дузал буван тапшургу бувнавхур.

На ва макъала чирчуну хъирив къини Аьрасатнал президент Владимир Путиннул МЧС-рал хъунама Александр Куренковлуин ва Дагъусттаннал бакIчи Сергей Меликовлуин тапшур бунни зараллу бивсса Дагъусттаннал агъалинан чIумуй кумаг буван ва апрельданул 7-ний хасну Дагъусттаннайсса иш-тагъар ххал дигьинтIисса сөвешание дуван.

Кумаграл ка тIиртIунни билаятрал гъарца мурицIиния

«Русский Крест» тIисса кумаграл фондрал Дагъусттаннайн диян дунни 40-нниха лирчусса тоннарду хIачIайсса шинал, 1000-нниха лирчусса синтул усру, ххассалбултралнасса экипировка. Агъалинашалсса хъунабакъаврий гуртту хъунни кIицI лавгсса фондрал каялувчи Евгений Благгов ва машгъурсса спотсментал: ХIайдарбаг ХIайдарбагов, Альберт Салимов, Альберт Батиргъазиев. Евгений Благговлул кIицI лавгунни, Дагъусттаннал агъалинал бакIрачIан къини дуркIсса хавар баяйхту, гассят хIукму бувшиву кумаг биян буван.

Аьрасатнал коммунистътурал партиялул (КПРФ) ЦК-лул председатель Геннадий Зюгановлул тапшур бувну, Ставро-

Хъунисса гъараллу багъана хъуну, Дагъусттаннал агъалинайн бюккунни, миннал бувсса кумагругу ва аварасса ппурттуву хъинну бусраву хъунни.

польлал крайрал коммунистътурал гъан дурну, МахIачкъалалив дуркIунни 20 тонна марцIсса шинал. Вай дарчIунни Каспий-скалал «Кемпинг» микрорайондалул агъалинайх, 10 тонна диян дунни МахIачкъалалал азархардайн. Вай кумагругу бувкIссар цалчин шинал мугьалтту бувксса ппурттуву. КIилчингу гъаралуннил аьтартту бувксса чIумалгу, Ставропольлай крайрал губернатор Владимир Владимировлул цала Телеграм-каналдайн чивчунни: «Ялув магъи дакъа ливчИсса инсантуран шингу, чара бакъамургу гъан дувантIишиву ва цал гъан дуварий гъашиву».

къадувантIишиву».

Вара КПРФ-лул фракциялул Нальчик Шагьрулул Мажлисрал депутатътуралгу гацIана транспортрай хIачIайсса шин тIайла дивккуна Дагъусттаннайн. Ва иширал сиптгачи ПатIимат Хаджиевал кIицI лавгуна Ухссавнил Ккавказуллал агъалинал мудангу цайнна дурксса къини цацIу-чIарав бавцIуну лахъайшиву, тавакъю бувна цайми республикарттал агъалинахъу кумаграл давурттаву хайкун хIала буххан.

Къабардин-Балкъарнал 60 тонна шинал гъан дуршиву ва уттиния тинмайгу чIарав бацIан

хIадурну бушиву бувсунни республикалул бакIчи Казбек Ковлул.

Цанакул инсантуран яла аьркинмур марцIсса шин духувкун, регионнал хIарачат бур шин тIайла дуккан жучIанна.

Къура тонна марцIсса шинал, медикаментру, лаххия, дуки-хIачIия дуркIунни Ухссавнил Аьсатиннавагу. Гуманитар кумаг бавтIун бур республикалул дакIру цимисса агъалинал, жяматийсса ккурааннал ва волонтертурал.

Къарачай-Чаргаснал Республикалиягу бувкIунни шинайнусса кумаг: кIива хъуни машина МахIачкъалалийн, ца – Каспийскалийн, цагу – Хасавюртлийн 80 тонна шинал. Ингушетиянал ва Чачаннал 70 тонна шинал диян дунни Дагестанские

Огни шагьрулийн. Ингушетиянава дуркIунни 50 тонна шинал, «Народный проект «Безлик»» тIисса идаралул гъан дурну. Чачаннава Аьрасатнал Виричу АхIмад-ХIажи Къадиловлул цIанийсса фондрал 20 тонна дуркIунни.

Шиккува кIицI лаганну, цалчинсса гъараллу ларчIсса ппурттуву Ингушетиянал Ххассалбултрал колледжраву дуклакисса студентъталгу цивппа хушрай кумаг буван бувкIшиву ва шинахъхун лавгсса къатрава инсантал буккан буллаи бивкIшиву.

Кумагругу буллаи бия инсантал цивппа-цивппалулу. Аьрасатнал телеведущая Виктория Бонял ца миллион гъан бунни кумагран. Ванил тавакъю бунни Аьрасатнал агъалинахъ, Дагъусттаннал чIарав бацIияра куну. Шиккува кIицI лаганну, ванил 12 миллион подписчиктурал бушиву. Кумаграя бусанну гихунмайгу.

Дагъусттаннал агъалинан Думагругу буллаи бур фондругу. «Инсан» фондрал 30 миллиондалунсса сбор баян бунни. Вай ялув магъи дакъа ливчIминнан дукия, хIачIия ласун харж дувантIий бур. Мукунма ччясса кумаг аьркинминнан.

«Надежда» тIисса фондрал баян бунни 500 миллион батIинсса ният душиву. «Тооба» тIисса приложениялул кумаграй-

ДакIнийхтунусса ка-кумагругу

ну 100 миллион бавтIшиву, вайннуватугу 30 миллион цIа ашкара къадурсса инсаннал гъан бувшиву баян бунни.

«Чистое сердце» тIисса фондрал 5 миллион ва чара бакъа аьркинмур датIлатИсса пунктру тIивтIунни.

«Ният» тIисса фондрал волонтертурал ца миллион

бавтIшиву ва аьркинмур машан ласлай, агъалиначIан ххилай бушиву баян бунни.

«Закят» тIисса фондрал баян бунни 10 миллион батIинтIишиву. Вайннал 80 тонна хIачIайсса шинал машан ларсун МахIачкъалалийн ва Хасавюртлийн тIайла дурккунни.

«Банк еды «Русь» тIисса ор-

ганизациялул президент Юлия Назарова цуппа бувкIун Дагъусттаннайн, уртакътурашал архIал дукия, лаххия, шюшукьюшулул аьркинмур дарчIунни агъалинайх. Вайнналгу Дагъусттаннайн шин сававсса баларду шайхтува сайтрай сбор баян бувну бивкIун бур.

Унгу-унгуну ва хъиншивул, хъинбалдарал давурттаву хIала бувххун бур цаймигу фондру.

«Авитолийгу» Ухссавнил

Ккавказнавуцириннаша Дагъусттаннал агъалинан аьркинмур датIлатИсса акция баян бунни «#яПомогаю» тIисса хештегашал. Дагъусттаннал агъалинаша хъунтIий бур ва разделданийн бувххун цанна аьркинмур личIи дуван ва, ЯтIул Ххачлил регионнал отделениялул кумаграцIух личIи дурмур диян дувайсса сервисрайн буккан.

Лажин хIадур дурссар ПатIимат РАМАЗАНОВАЛ

Дургъумуниягу, дугъанмуниягу



Шарип Шарипов

- Шарип Исмаилович, ссая дайдирихуну, ссайн дирну дур интгусса къурни давуртту?

– Ва шинал жулла республикалий дугъантиссар 225, 5 азарда гектар аьршарал. Вайнува къалмул культурарду дугъантиссар 60 азарда гектарданий, кормалун ишла дувайми культурарду – 96 азарда гектарданий, личи-личисса ахънисса – 40 азарда гектарданий, ахъниссаннуву агъамунин ккаллисса нувши – 18 азарда гектарданий, бахчалулса – 7 азарунния лирчусса гектарданий, технический культурарду – 4,5 азарда гектарданий.

Гъайчайсса аьршарай бугъан аьркин хъанай бур сайки 13 тонна гъанарал, вайннува цана шаллуну бур 75 процент. Аьрасатнал Шяраваллил хозияствалул министрствалул жуй бивхъунни бигар – шайсаксса чЯвусса жулвами, билатрал селекциалулми гъанна бугълан. Жу ва даву, чЯрусса цайми кунна, районнаих дарчуну дуллай буру.

Ишла дувантиссар 16 азарда тонна минерал оьргъашиврул, вайннувагу 9 азарда тонна – интгусса къурни давурттаву.

Мартрал 27-мур къинилийннин дургъуссар 28 азарда гектар аьршарал, вайннувагу чЯруми чЯру шиннардий хъяххайсса уртту (люцерна) – 12 азарда гек-

Дуркунни инт, аьршараха зузминнал ка царавусса чун. Бувккунни хъуруннай хъузалт. Республикалул аграрийтурал цана дуллалисса давурттал ялувсса ихтилат хъунни экономикалул элмурдал доктор, Дагъусттан Республикалул шяраваллил хозияствалул ва продовольствиялул министрнал цалчинма хъиривчув Шарип Шариповлушал.



тарданий, къама – 8 азарда гектарданий, ца шинал (однолетние) уртту – сайки 4 азарда гектарданий, ахънисса – сайки 3 азарда гектарданий, нувши – 2 азарда гектарданий.

Гъашину 500-нния лирчусса гектарданий бугъан ккаккан бувсса багъру цананин 432 азарда гектарданий шаллу хъуссар, вайннува 385 гектар – садовствалул центрну хъанайсса Сулайман Стальскал райондалий.

Районная турчан, дугъайсса аьршарал яла хъуними дур Къизлардал райондалий (37, 300 азарда гектар), Хасавюртул райондалий (30 азарда гектар), Тарумовскал райондалий (сайки 18 азарда гектар). Хъирив дур Бабаюртул район (12, 5 азарда гектар) ва Нугъайнал район (12, 5 азарда гектар).

- Лакрал районнай дугъайсса аьрши цуксса

дуссар?

– Цуссалакрал райондалий дугъантиссар 3, 557 азарда гектарданийсса аьрши. Вайннува цалса дургъуссар 55 гектар. Лакрал райондалий – 2, 475 азарда гектар ва Ккуллал райондалий 1, 92 азарда гектар. Вай районнай цалса аьршарай дугъаймур дугълай къабайбивхъуссар.

- Цана шяраваллил хозияствалуву дуллалисса ялагу ци давуртту дуссар?

– Цана чара бакъа дуван аьркинминнувах кици лаганна саранчалийн къаршисса давурттугу. Саранчалул махъсса шиннардий жун дулланмур чан хъун къадитай. Дургъумур, хъяхлахимур ва зиянчиная дуруччинсса давурттан республикалул бюджетрава ккаккан бувну буссар 25 миллион арцул. Саранчалулсала талатаврициунсса давуртту дувантиссар 35 азарда

гектарданийсса аьршарай, цана вайннуынсса хладуршинна дуллай буру.

- Мартрал 28-29-ний ва апрельданул 5-ний республикалий ларчисса гьараллайну шяраваллил хозияствалун ци зараллу хьур?

– Махъсса ппурттуву республикалул шагъурдай ва чЯруми районнай ларчисса гьаралуннил шяраваллил хозияствалунгу зарал биян къабавну къабивтунни, цин лархъусса захматшивуртту дунни. Ва ппурттуву цаппарасса ахъулсаннул мурхьру, хъунмурчин ахъвазандадулми, тлутайх бивчуну бия. Лахи лавгсса марч ва гьарал саванну, вайннунгу зарал хъуссар.

Мартрал ахирданий ларчисса гужсса гьаралла махъ на нава лавгссияв Дарбантул райондалийн. Республикалул шяраваллил хозияствалул министр Шамил Рустамович лавгссия Хасавюртул райондалийн, ванал цама хъиривчув – Бабаюртул райондалийн, ялтту буккан, бивсса зараллан кымат бишун.

Министерствалий сайкин бувссар цува министр бакчисса штаб. Хлакьину хъусса зараллацун бавхуну аьщуйн шусса цифрарду буцин къахъунссар, шин къаларгсса, дуккан къадурсса квантурду бунова. Цалсарив учин бюхансар тинин дургъумур къачансса лирчшиву шиналу, хъунмасса халлай шиналу личавриягу я аьршаран, я ваний дургъумунин мюнпат бакъашиву.

Дарбантул райондалий чимус бувгъусса аьрши, Ахъушиял райондалий ссуттил лачла бувгъусса 70 гектарданийсса аьрши дяххан дурну дия гьараллал. Мукума Буйнакскаллал, Дарбантул, Бабаюртул райондалий бувгъусса ссуттил лачлангу, Къумтуркъалал райондалий бувгъусса нувшунгу, Дарбантул райондалий бувгъусса каландалунгу зараллу хъунни. Дарбантул ва Табасаран районнай шиналу ливчунни багъру ва виноградникру.

Республикалул районнай ливтгусса гьаттарагу (оьллу, ницру, ятту, дучри) къачансса хъунни. Гъуниннал, Ахъушиял, Казбековуллал ва цаймигу районнайсса фермардан зараллу хъунни.

Шаймур буллай буру ва махъ ларчисса гьараллал, ялтту ларгсса шинал биян бувсса зараллу бухлаган буван ва зумарду цакъ дуллай, ялунгу укунсса гьараллу ларчисса чумал шин къахъяхханшиврул.

- Цана шаллара дунияллуцун гьаваллумур тагъаргу даххана хъуну дунуккар...

– Тайлар, хъхичива жунма ялагу ккулну бикайва гъава ци чумал цукунсса бикантиссарив. Цанарив дур дунияллу гьаварал тагъар, погода цалий къадарцусса, цакуну даххана хъанайсса чун. Мунияту жулва агъаммур мурадгу, гьарцаманал цала-цала кланай, вай шартирдацун даркуну жулла даву давур, вайнун лавхъуну къуццу тун лахъхъавур.

Табиаьтрашал ччалан къашайссар. Шикку яла агъаммур – ккулну ва хладурну биклавур, уку-укунсса чумал хъун бюхъайсса зараллу чан буваншиврул.

- Ахир мукъун ци учин бюхъансар?

– Аграрийтурал ва интту шаллу бувансса масъалартту ттигу къачанни, гьарцаманан ккулссар цайвасса бигар. Агъаммур – хъумунил ялув пиригу бувну, ччимур ЧС-райн хладурну биклавур, аграрийтал биклу, махъсса инсантал биклу, гьараллу чЯру хурчангу, гьараллу дакъа, цимурца къакъларчангу. Ва ххуллийсса чарану биттур буллай бачин хларачат булантиссару жу гихунмайгу жулламур давриву, укунсса тагъар хласул хъусса чумалсса цайми регионнал практикагу, цайминнал дуллалимургу дарсону лаласлай.

Зунгу, занангу цуллушиву дулуннав. Оьмунища бурувчуну лякьиннав.

Бадрижамал АБЛИЕВА

Мамедкъала марци буккан буллай бур

Гужсса гьаралуннил хъунисса зараллу биян бунни Дарбантуллул чулийнгу. Апрельданул цанний шинал бувцусса Геджухское водохранилищалул дамба хъа куну, Мамедкъала шиналу личан бунни.

Дайгъин къархъусса шиналгу укунсса чумал баймур бунни: чЯрусса шиннардийсса агъалинал захматрацух ца дакъикъалий цу дирхъунни. Амма шиккугу кици лаганну дуниял хайран дуршиву Дагъусттаннал халкъуннал зумату шяв къадирхъусса, «жува сагъну личаврийн шукур» тлисса дуаьлул калима.

Дакнин бутанну, Мамедкъалалив душиву лухитлугул 20 тонна датийсса цанихсса совхоз Нариман Аблиевлул цанийсса.

Яхл бунни ва ххуллухъу агъалинал дурк къини лахълайгу, духлайгу. МЧС-рал баян бунни Мамедкъалалия ва лагмайлтгусса Юный Пахарь, Геджух шяраваллава 4000-ниха ливчусса инсантал бизан бувшиву.



Билатрал МЧС-рал бакичи Александр Куренковлул президент Путиннухъ бувсунни ряха инсан ливтгусса хъушивугу. Ва балаллува инсантал буккан буван 1200 ххассалуву ва 200 техни-

ка зий душивугу кици лавгунни. Вайннацун кумагран бувккунни чЯвусса агъали, волонтертал. Бувккунни хлакинталгу, артистталгу, блогерталгу. Гъаннайсса, леххаврил члу баян буван ччими-

гу, иширайну чларав бацан анавар бувкмигу. Хъхъу-къини зий бивкунни инсантал нигъачаву дакъанийн буккан буллай.

Культуралул къатлуву гуманитар кумаграл склад бувну бур.

Инсантал дукиялул, лаххиялул, аьркинмунил дузал буллай бур. Ци тагъар дурив, буклакисса кумаг цукун бачлай бурув ккаккан ивунни вайнначан республикалул парламентарал хъунама Заур Аскандаровгу. Поселокрай пив-ххив хъуну дур коммуникациярду. Муххал ххуллугу шиналу ливчун бур.

Хлакьинусса къинигу чЯвусса агъали зий бур поселокрал кичиртту ва хаятру гьагълици марци дуллай, лирчми шин дуккан дуллай. Федерал телеканалал журналисттал бур Мамедкъалаливсса ххуллу гьалаклу бувсса найракъатла кунма бур вай гъантрай тий. Чаххуврайсса республикардаясса бакъагу, архсса регионнаясса, Донецкалиясса, Херсоннаясса волонтерталгу бур. Чатри каруннища хура къадуллай, дяхъхъунивугу зузисса чиварки, ца зумату кунма, циняв «цал Мамедкъала марци бувану, яла лахъанну шану буччинин» тий бур.

Патимат РАМАЗАНОВА

ГъалатI хьун битансса ихтияр ягу мурчIиминнал система? Щугълурдал перезагрузка

Дуссарив цIанакул мяна «тахсир бакъанмасса тахсиркартурах» луглагавриву? Чуври ялагу дусса жулла дакI дарцIумунил ва хIакъсса кIулшивурттал дазу?

Жаматийсса дискуссиялува хьхьичI ирглий кIири мухха ххартI дуван аьркинссар анавархьиндарай тахсирлув уванманах луглагаву. Мукунсса иш микIирал зунтун, айсбергран ккаллиссар: ялун чIалачIимур бакI – шил-бунугу гъалатIри, щинал дутту тIурча, салкьи хьусса хIукмурдал саргъунсса кьатлякьин бюхъайссар: шагьрурду буллалиминнал проектирдал гъалатIирттая тIайла хьуну, инженертурал-каялувчитурал хIукмурдайн бияннин.

Булун аьркинмур къабулуну, жува булару цамур суал: «Тахсир шийри?» Щуххай ххулий жува цIуххин аьркинссар: «Циванни системалул укунсса иш къамул бувсса?» Жула агъалинаву профессионал кьиматрал хIурмат бувагу бакъар. Социал сетирдал лентарду, эфирду аьрщарай ва щинаву хъанахьимунил хIакъи-хIисав кIулсса, элмийсса кIулшивуртту дусса инсантурал ягу урбанистIтурал дурцIуну къадикIайча, бачIвасса бюхттул чIурдал, асардал хьхьури итхьахайминнал, аьвамсса, ялттувасса хавардал заллухьруннал дурцIуну дикIай.

Саву ци буссарив хIакъну кIулсса экспертIтурал ахир пикри «ттун укун бизай» тIисса

калималия личIи буван къалавхьхьусса, оьруснал учайсса ккуццуй, «жула ша гава ххялаххилий хьуну бакIрайн щилантIиссар».

Жаваблувшиву дикIан аьркинссар. ХIакъи-хIисаврал, хIасиллал кIантIайсса чьрхнийсса, кIириннасса дакъача, хьинну хьирив лавну жам дурсса. Ссаву ци буссарив цитI бикIан буллалисса. Акъарив система дакьин дуванну, сантирайн рутанну тIисса жула хIарачат кIура баентIиссар аьдилшиврул къювкъю-мювкъюсса театрдайн. Ккучунну паракьат дайсса, гъанумур баъгана, чаранмур къалаякъайсса. Гъанумур савав къадурчIунура бувсса танмихI – му аьдилсса диван бакъарха, «вай, жу бувхсса куц» тIисса агъалинал аьмсса медитацияр.

Чунмайру гъузун? «Леххаврил» оптикалия «системалулмунний» баххана шаву

Шикку агъамсса ишру хьиривсса хьуну-хьунисса дахханашивуртту хъанахьиссар: гъуягъарайрда бюкIлакIиссару инженериялийн.

МукIру хьияра аьлтта чIалачIимунийн, Дагъусттаннал шагьрурду генпландалийн буну, лахь-утта хъанай бакъаяхха, «думуния дуванну» тIисса къяйдалий гъарза-гъарта хъанай бия. Ливнеркардансса лотки? Фантастикар. Агар ми духьурчагума, гъаралуннил щинанссар, мугьалтансса, аьтартган-

сса дакъархха. ЖучIара къатрал квадрат метрарду аьрщаравусса щинаххуллурдансса турбардаяр дирисса бушилий хьхьичIуннай ларгун дакъарив, диялсса манзилданый. Жува яхъанай буссару тIабиаьтрал баларду ялун биян кунмасса кIанай. Карунних дурсса системалул биялай. ТIабиаьтрал зараллу, балапатIру – хьун бюхъайсса ишрур, чIумулли ккаккан бувантIисса. Жунна аьркинни хъамаритан жунна циньяннал заралсса шанна калима: «Укунгу гъассар». «Цийнура цурда нирхиврун дагъансса тагъарди». «Циньягу укун дуллай бурхха къатри, шайссания цичIав бакъар».

Агана жува ва бетондалул дужагъраву яхъанан багъантIисса оьрчIал буруккинтарай бухьурча, жува жула няравун дакьин аьркинссар укунсса дурчIаларду: мюхчаншиву – му ххирасса десерт дакъарча, чара бакъасса ччатIри. Низам, правиларду – бюрократия дакъарча, жунма миннуя личин къабучIисса рельсрур. Аьрщарал лувсса метра (инфраструктура) аьрщарал ялувсса метралуяр (квартиралуяр) агъамну дикIан аьркинссар.

Ишгу ссавния ларчIсса чьвхъа-гъаралунниву бакъар. Иш мюхчаншиврул ялувсса жула баччибакъулшиврувур, трассалийх ссур бавривур ва лагъний къатри дуллан къабучIишиврувур бусса. Ва культуралул кодрал масъалар.

ХIакъсса даву блогертурал комментарийрттаву дакъарча, властьрал заллухьруннал ва инженертурал иширттаву дикIан аьркинсса. Шагьрурдал рентген – шингу, ратIругу, нехругу чун наниссарив аьшуйн шун дурсса аудит, щиналу личIан бюхъайсса кIантIурдай къатри дуллалавринсса къадагъа. Санитария – кьунниха лирчусса шиннардий шинчIав къаккарксса духсса коллекторду марцI даву ва дакьин даву. ЛичIиссара тIалавшинна – ливневкарду дагъайкун къадурсса ягу дурагу къадурсса къатри къамул дурсса каялувчитурай аьчIа дихьлан ягу къянкъану танмихI буллан. Агъалинан кIулну бикIан аьркинссар дренаж дувансса налогру чун лавгссарив, цIусса чIяру зивурдайсса къатри шин къуркьуну циван къариртссарив. Жунна аьркинссар шагьрурдал гъаршинахсса техосмотр, ттукI бившуну махъ анавархьиндарайсса реанимация дуллан хъапа тIун къабагъланшиврул.

Медальданул вамур чул: жаматран ххирар кьини дурккувкун, цIуру-кIуру буллан, пакьиртурал рольлу дугълан. Нанияра мукIру хьуннуча, ва цIанасса гьургъазалул соавтортал жувагуру. Жаваблувшинна, щявсса щинал бярдуну кунна, ппив хьуну дачай, экъинай. Ххуллу бакъасса, канализация дакъасса къатраву квартирарду машан ласлай бурув? «Яла къювкъюмуних» ва «анаварну

бувантIимуних» луглай бурув? Гъаннайсса, качество ва мюхчаншиву ухчIинларай руглатисса базаллул шартIру цIакъ дуллай бурув? Мяркьу хьун бюхъаймур тIайла бацIлацIиссар мяркъу маслихIатну чIалачIимунийн. Къурушгу наниссар гьургъазалуцIун кабакьулун. Жува «дарвагирттаву ччитри машан ласлай буссаксса», гъарца бившусса мюрал отчет тIалав дуллай бакъасса, хьуниминнал реформардая пайда къахьунтIиссар. ХIакъину суал бивхьуну бакъар укун: «Щилли подваллу бюкьан бувсса?».

ХIакъину публикациялул майдан даркку дагъантIайн буккан буну бур: щинал туннурдал захIмат-жапасса инженериялул масъалартту гъаз буллай бур ичIува шайсса ласу-къасурдал даражалый. Вев-гъарайтIалтрал чIурду лахьну бур профессионалтурал лагъсса чIурдаяр.

ЦIусса чIумул мусил формула: чIунил лагъ-лахьшиврул дучин цIакъсса хIучардашала къалаяйсса. Даврил минахуртуран за кIулшиврун микрофон аьркинну бакъарча, паракьатну, лагъну дуллалисса анализ аьркинну дур.

Язи бугъияра: гихунмайгу правиларду щинахьхьун ларгун махъ тахсир хьуминнах лугланувкъай, щинахьхьун гъаннинма зузисса бучIантIимунил проектирдаха зуннув.

Руслан КЪАРДАШОВ

Мукъурттияр ялттуну гъалгъа тIутIисса сурат

Интернетраву ппив хьусса, хIачIайсса щинал упаковкарттай шанул лях лавгсса, МахIачкъала шагьрулул Жагьилтурал, спортрал ва туризмалул комитетрал хьунама Ися Рамазановлул сурат хьунни халкъуннахсса дакIинийтуну аякъалул лишанну.

БакIрайн дагъай цал-цал суратру мукъурттияр чIалачIимур ялтту буклакисса. Хаснува ихтилат, захIматшивурттал хьхьичI жард къакуну, цала даву биттур дуллалиминная бухьурча.

Риршу гъарал сававну щиналу ливчIсса шагьрулул агъали хIачIайсса щинацIа хьунни. Ва захIматсса тагъардану Шагьрулул собраниялул депутат Ися Рамазановлул хьуннасса жаваблувшинна цайнна ларсунни ватанлувтурансса кумаграл ххулий. Ньюжмар ххишалагу хьунни ванал хьхьу-къини дакъа волонтертурашала агъалиначIан хIачIайсса щин ххилай.

«Ньюжмар хьунни Ися анжагъ, янна даххана дан акъасса, шавай къаувкIун», – тIий дур ванал нину Назира.

«Халкъ жуйн вихшалдарай бур, жул бурж мунин лайкъну буккавур», – тIий ур Ися, мюхтажшиву дуссаксса агъалинан кумаг буллантIий ушиврий чIурчIав дуллай.

Шиккува кIицI бан, вай гъантрай хар-хавар бакъа дуниялия лавгсса жагьилсса сурахь-



ил жижара бан бивкIминначIа щяикIанссавагу мажал бакъая Исян, инсантал хIачIансса щинах ялугълай буссар тIий.

Ва суратрах буруглай, жуларуннил хьхьичI бацIлай бур цахлува цивппа гъалгъа тIутIисса хьхьичIвасса кадрарду, интерне-

травух ппив хьуну, агъалинал дакIурдиву асардай ливчIсса. Коронавирусул пандемиялул тагъардану захIматсса дежурствардая махъ «ЯтIул зоналува» уккаврун, азарханалул жанахIраву чIирайн ттиликI риршуну игъалаган къис ивкIсса



Дагъусттаннал хIакиннал сурат. Ва цамургу – 2023 щинал августрай МахIачкъалалив автозаправка пIякъ кусса апатIрал ишру бухлаган буллай, уххазу хьусса, чIявуса инсантурал оьрмурду ххассал бан къабювхъаврийну яхI гъавгъун, машиналул ятирай щяивкIсса МЧС-рал зузалал сурат. Вай суратругу хьуссар цайминнал оьрмурду ххассал баврил ххулий цалами оьрмурдай хIайп къакусса виричушиврул лишанну.

ХIакъинусса тагъарданул цIунилгу ккаккан дурунни дуниялун Дагъусттаннал халкъун-

нал язими хасиятру – чумартшиву, дакI цIуцIаву, цайва рахIму къабувну, цаманан кумаг бан хIадурну бушиву.

Ися цувагу пахрулий ур, бартхьхьириду ялтту лавгун, щиналу ливчIсса шяраваллал агъали ххассал буллай бивкIсса Дагъусттаннал жагьилтура, хаснува шалагу Аьрасатнал СКС-лул (Студенческий корпус спасателей) волонтертура.

Барчаллагърай буслай ур Аьрасатнал цайми регионагу бивкIун бушиву вава корпусрал волонтертал.

Зулайхат ТАХАКЪАЕВА

Лакрал райондалия Депутатнал бахшиш



Лакрал райондалий зийнма бур энергетиктал хъунисса марххалттал кьатI бивсса ттукIрал тталлу, рущари хъусса ххаллу цу дуккан дулла. Табиатрал апатIрая махъ хаснура аьркинну дур кIанттул властирдал ва дакI цуцIисса инсантурал чулухасса кьулагъас.

Райондалул депутат Амир Илиясовул Гьумучиял электросетирдал зузалтран дуллунни багьлул ххирасса дрельшуруповёрт. Ва ярагьрал кумаграцIух электромонтёртураща бюхъантIий бур Табиатрал

апатIирттайну бивсса зараллу анаварсса чIумуй бухлаган бан. «Барчаллагьрай ура жула энергетиктурайн агьали ттукIрал дузал бан буллалисса захIматрахлу. Зул кIунттиву ва вихшаласса ярагьуннил кумаг бантIиссар гьарца кьатлувун чIумуй ттукI булун», – увкунни Амир Илиясовул.

Гьумучиял РЭС-рал каялувчи Зураб ХIажиевлул барчаллагь увкунни Амир Илиясовлухъ цила чIумалсса ва чара бакъа аьркинсса кумаграхлу.



Энергетиктуран кумагрансса машина

Лакрал райондалул администрациялий ДР-лул Халкъуннал Мажлисрал депутат Марат Илиясовул гурттушиндарай хъунни электросетирдал каялувчиннашаласса ва зузалтрашаласса хъунабакъаву. Муний ххал бивгьунни ттукIрал дузалшиндарайн, электросетирдал даву лядуккан дансса чаранну льякьаврийн багьайсса агьамсса суаллу.

Марат Илиясовул барчаллагь увкунни энергетиктурахъ агьалинан чIумуй ттукI булаврил ххуллий жапасса шартIирдай буллалисса захIматрахлу. Райондалул бакIчинал хьиривчу Эльмира МахIаммадовал кIицI лавгунни район хьхьичIуннай шаврил ххуллий агьалинансса ттукIрал дузалшинна агьамсса кIанттай душиву. Умуд

бивхьунни администрациялул ва электросетирдал зузалтрал цачIусса гужирдацIух агьали ттукIрал дузал бан бюхъан тIий бушиврийн.

КIицI лавгунни райондалул электросетирдай зий бушиву лавайсса даражалул пишакартал, Табиатрал апатIирттаву захIматсса шартIирдай зий бухьурчагу, цила чIумал агьалинан ттукI булайшиву.

Дух хъусса техникалуцIух архсса шархъавун гьан-бучIан, зун хъанай бакъашиву хIисаврайн лавсун, райондалий дакI агьIисса меценатьтурал арцу дартIун, машин лавсун бур электросетирдал зузалтран цIусса машина.

Машиналул кIулли Марат Илиясовул дуллунни Гьумучиял электросетирдал каялувчи Зураб ХIажиевлухъун. Муния

махъ, Марат Илиясовул энергетиктуран буллунни ДР-лул Халкъуннал Мажлисрал Промышленностьрал, ЖКХ-лул, транспортрал ва ххуллурдал хозяйствалул комитетрал чулухасса барчаллагьрал чагьарду.

Зураб ХIажиевлул барчаллагь увкунни Марат Илиясовлухъ ва райондалул бакIчи Зураб Куччаевлухъ энергетиктурал даву куклу даврил ххуллий бивсса кумаграхлу. Ванал кIицI лавгунни цIусса автомобиль агьамсса ярагьну хъун тIий бушиву энергетиктурал давриву. Ва хъунабакъаврий аьлтту хъунни райондалий энергетиктурал даврих агьамсса кьулагъас дуллаи бушиву.

Администрациялул, депутатьтурал ва жяматрал гужру цачIун бивну бушиву агьали ттукIрал дузал бан.

Щинащалгу чувшиврий талай

«Бакъассар дуняллий, БбикIангу кьабюхъайсар, цамур миллат, дагьусттанлувтат кунма, ваксса гужну цала буттал улча ххирасса. Бакъассар дуняллий цайми халкь, дагьусттанлувтат кунма, цала виртталсса арсру бушиврия пахрулийсса. Льякьингу кьабюхъантIиссар оьлувкьусса лавгзаманнаул ттуршукурдал тарихраву ва халкъуннаву, дагьусттанлувтат кунма, заманардал лахъишиврий кьанкьану цала вахIийсса ва кIачIисса ххяллурду дуручлачисса цайми».

ХIавинахъал Саэд, 1914 ишн.

Дагьусттаннал жагьилтурал цунилу хIайран дунни дунял. Ва цими кьинир Дагьусттаннал жагьилтал хьхьурду угтара дурну щинащал талай. Дакиния дуккайссарив ва зурул 5-мур кьинисса хьхьу. Кьарал дакьа ларчIсса риршу гьарал мугьалттушал гуж кьалавну, Дарбантулал райондалийсса Геджухуллал баргьхьирил дайгьузунну ларсун, щиналу лирчIсса Мамедкьала шяраваллил агьалинал леххаврий бувксса. Республикалул шагьурдая жагьилтал гьилисса ужагьирттая бувккун, цала гужру ва гьавас цачIун бивну, лавгунни балаллулу ливчIсса кIанттайн, пашалла чара бакъа аьркинмур – чIатIри, хьхьувайсса чирахьру, гьилисса янна, ссяяргу гьарма цаманай аьтIисса ва кьанкьасса цала дакIру ларсун. МашинарттацIун дархIуну дия дайгьузунну дансса кьундалул ва ххюлданул бивчIусса чуваллашалсса прицепру. «Жун ххай бия банмур бухлавгсса. Цакуну хархавар бакъа, ссаврунняя ливксса малаиктал кунма, бувкIунни жу ххасал банми», – тIий бия бан-битан бухлавгсса кIанттул агьали.

Интернетраву ппив хъусса кадрардай чIалай бур хьхьувай, чаннал пIилцу бакъасса кIанттай, жагьилтал цала карунних чувал

лу бихьлай, Бутуш тIисса шяравун мугьали кьабуккансса дайгьузунну дуллаи.

Цавай оьсса мугьалттуын хьазамру бивгьуну буссаксса, вайми бьанив бияннин микIларчIсса шинавух агьали ххассал буллаи. «Щин дия микIларчIун, жува микIлавчIун бу-буний литIунсса ххива. Амма инсантурал ялун нанисса бала чIалай, чурхру даякыл зурзу тIий бухьурчагу, дакIруми апатIрахъхьун биривми ххассал бан ччурччуну най дия», – тIий ия ду-думур ду-дунийра кьариртун, хьап-шапгий леххаврий гихун лавгсса чIаххуоьрчI телефондалувух. Вай иширттал исват бунни миллатрал кьуват оькьини ялун личайсса бушиву. Жула чиваркIуннал чувшиву, анжагь аьралий операциялий дакьар ккаккан дуллаи, му гьарца ишираву жушалла дур, дакIнил сахаватлувшиву ва кьуват ккаккан буллаи. Ттуршра тонна ялтту ларгсса баргьхьирил мугьалттул хьхьичI гьанавиххи кьавхьуну, жард кьакуну бюхъу-бажар буну агьали ххассал буллалисса ащиния ряхра-ащиния мйира шинардивусса оьрчIру чIалай, пахру багьлай бия жула билаятрал бучIантIимур лайкьсса каруннихъ чIалай. КьюкIливу цу, карунниву кьуват, цаннал цанначIансса хIурмат, балаллул хьхьичI баруну бацIан бюхъайсса сисаву, вай гьарзатраярду – руцан дан кьашайсса Дагьусттаннал миллатирттал цашиву. АпатIрайн данди бавчIусса жагьилтурал захIматрал лагру хIисав дарча, цукунчIавсса шак бакъар вайннал карунних Дагьусттан тIутIайх бичин бан бюхъантIишиврийн. Так вайннал гьунаргу, гьавасу, кумаг аьркинсса кIанттай цала гуж ва билая ккаккан бансса бюхъу-бажаргу, тIайласса ххуллий ишла буларча. Вай оьрчIал жунма ккаккан бунни хьхьичIунмайсса ххуллу нигьачIавриву цала виричушиву исват дурну.



Зараллу бухлаган буллайнма бур

Лакрал райондалул бакIчи Зураб Куччаев ивунни Хъуннациял шяравун ттукI буллалисса энергетиктуран кумаг бан. Электросетирдал зузалтрал бусаврийн бивну, ттукI буллуну бур Ххалаккиял, Гьуйннал, Кьукуннал, Аьхьардал, Вираттиял ва Инишиял шяравалавун. Ххюлуссуннал, Буршиял ва НицIавкIуллал шяраваллаву ттигу зийнма бур. ЗахIматсса тагьардануву лирчIун дур Мукьархьиял махIалайисса шяравалу. ЛахIунтту дагьну, техника гьан-дучIан кьахъанай, ттукIгу, связьгу, дунияллушалсса дахIавугу дакьа лирчIун дур.

АрвахIкьини кIихун гьан дунни ххуллурду марцI бан кIусса техника.

Райондалул жагьилтурал кумаграцIух бакьин бунни риршу гьараллал лекьан бивсса Гьумучиял хIатталлил чIира.

Чуртташиял шяраву анавархьиндарай цу бунни Табиатрал апатIрайну кьатI хъусса ттукIрал тталлу. Энергетиктуран кумагран шяраваллил бакIчи МухIсин МахIаммадовлушал бувкIунни кIанттул агьали.

Электросетирттал зузалтрал дакьин дунни Лахьирдал ва Кьуруллал шяраваллавунасса ттукIрал ххаллу ва телевизка.

Райондалий МВД-далул зузалтрал кумаграцIух баххана бунни ттукIрал тталлу. Участковийтал дукья диян дуллаи бур бугьарасса оьрмулул инсантуран.

Риршу гьараллал лахIунтту зи

зин дурну, кьакьарду дагьну, зия хъуну бия КIундив нанисса ххуллу. Шяраваллил бакIчи МахIаммад МахIмудовлушал кIанттул агьалинал анаварсса мутталий марцI бивну щинаххуллурду, цин лархьхъусса тагьарданийн биввунни. «Жун бивчIлай бур Табиатрал апатIирттая махъ зузалтрал ка хьирив лаллай дакьашиву гьарца шяравунсса ххуллурду бакьин буллан. Мунияту шяраваллил жяматрал кабакьулийну бакьин барду ххуллурдал идаралул гьан дурсса техникалул кумаграцIух», – увкунни МахIмудовлул.

Райондалул ххуллурдал зузалтрал марцI бивну, бакьин бунни хъуннасса лахIуни дагьну, зия хъусса Кумиял шяравун биявайсса кIанттурдайсса республикалул ххуллу.

Зураб Куччаевул Гьумучиял шяраваллил администрациялийн тапшур дунни ччюрк ххийисса цIусса КАМАЗ-рал кIулли. Барчаллагь увкунни ва хъуннасса, чарабакъа аьркинсса бахшиш райондалун дурсса ишбажаранчи СалихI ХIажиевлухъ.

Итникьини Гьумук итабавкьунни шяравух агьали занансса маршрутка. Ва пишкаш бивссар МахIачкьалаллал мэр Жанбулат Салавовлул.

Транспорт занантIий дур Хан-Муртазалил гьайкалдануцIату цIусса детсадрал кьатрачIан дияннин: кIюрххил, ахттайн, ахттакьун.

**Лажин хIадур дурссар
Зулайхат ТАХАКЪАЕВАЛ**

«Илчилул» календарь Ва зуруй бувссар:

Апрель зурул 7-нний 1946 шинал увссар скрипкабицу, ДР-лул халкьуннал артист **Мурад Абуев.**

Апрель зурул 10-нний 1962 шинал увссар генерал-лейтенант **Муслим Даххаев.**

Апрель зурул 10-нний 1956 шинал увссар Новостройрал Пенсиялул фондрал директор **Назим Шайхалиев.**

Апрель зурул 12-нний 1935 шинал увссар филологиялул элмурдал доктор, профессор **Эса Абдуллаев.**

Апрель зурул 12-нний 1957 шинал увссар жяматийсса ва политикисса ишккаку **Мяма Мяммаев.**

Апрель зурул 15-нний 1918 шинал увссар чичу, шаэр **Абакар Мудунов.**

Апрель зурул 15-нний 1938 шинал увссар медициналул элмурдал доктор, профессор, МАИ-лул академик **Махаммад Рамазанов.**

Апрель зурул 18-нний 1944 шинал бувссар балайчи, Дагьусттаннал халкьуннал артистка **Лайла Мажидова.**

Апрель зурул 19-нний 1977 шинал увссар ДР-лул экономикалул ва территориал лябуккулул министр **Хижи Султанов.**

Апрель зурул 19-нний 1936 шинал увссар Дагьусттаннал Педагогикалул институтрал, ОЭФ ва МП кафедралул профессор **Сулайман Абакаров.**

СЛУЖБА ПО КОНТРАКТУ

НОВЫЕ УСЛОВИЯ ДО 31 МАРТА

2 млн руб. – от РФ через Полк резерва

Единовременная выплата

2,5–2,9 млн Р*

Зарплата от 210 тыс Р

400 т.р. – РФ, от 100 до 500 т.р. – от муниципалитета

117 фед. номер

Пункт отбора по РФ
8 (989) 484-69-95

Баян

Ассаламу алайкум ва рахматуллаги ва баракатугь!
Ахирасса уссурвал, ссурвал, Лакрал фонд «Гъази-Гъумучи» баян буллаи бур:

Гъанжилив ва шярваллаву щинахъхъун лавгминнан кумагрансса, чара бакъа аьркинсса, арцу датIаврия!
Бачияра, жушава шаймур кумаг буванну!
Аллагъ Тааьлалан цими бишиннав!
Бувсса гъарца кумаг АллагъначIа бучIи лякьиннав!
Амин!

Сберкарта дархуну дуссар ва номердануцун:
8(928) 950-50-59 Тамирлан Н.

«Илчилий» бишлашисса барча бавуртгал текстру буссар укун:

укуннасса барча баву – 400 къ.
суратрашалсса барча баву – 500 къ.

МахIачкъалалив, Поэзиялул театрдануву, «Поэтический календарь» проектрал лагрулий хъунни Дагьусттаннал халкьуннал шаэр Юсуп Хаппалаевлул творчествалул вечер.

Шаэр дакIнин увтунни



Ва хас дурну дия шаэрнан 110 шин шаврин. Студентьтурал ва дуклаки оьрчал хъхъичI Юсуп Хаппалаевлул оьрмулия, творчествалия бусласисса ихтилатру бунни Театрданул директор Елена Гъаруновал, Дагьусттаннал Чичултрал союзрал председатель Марина АхIмадовал, Дагьусттаннал Чичултрал союзрал

лакрал секциялул хъунама Супийан Оьмаровлул, шаэрнал арс Сулайман Хаппалаевлул.

Дачин дурну ия мероприятие МахIаммад АхIмадовлул цIанийсса поэзиялул семинарданул каялувчи, шаэр Муса Мусаев.

Анриана АБДУЛЛАЕВА

Барча буллаи буру!

Ххирасса Динарай!

Вай гъантрай ина кIицI лавгунни 50 шинал юбилей. ХхюцIалла шин – му инсаннал бивтсса оьрмулул ххуллул хIисавсан дайсса, лагма-ялтгуминналгу, инсаннал цаллагу хIасиллу дувайсса, уртактурал, гъанцириннал, лагма-ялтгуминналгу мунал дурмуни кымат бищайсса таварихри.

ДакIний бура ина тгунгу школалий дуклакисса душну, яла махъ- жалинну, ххаллилсса нитти-буттаха аякьалийсса душну, ласнал хъаралу бавкъусса кулпатну, ххуйсса уссурвал аьзисса ссуну, ккаккьялунсса оьрчал нинуну.

Вай цинявгу иширттаву ина ккаккан бунни вилва машгъурса нитти-буттал тарбиялул ва мягърипатрал эбратну бушиву. ХъхъичIун бурувгун, адавай, ас-ламусрай къуццу тIисса варис бушиву. Вил гъарца бивзеса шаттирацIун, дуллалисса даврицIун, сахаватну тIитIайсса кумаграл каницIун аьлтта чIалай дур вил инсаншиву, дакIнил хъиншиву, пахру-ххара бакъашиву, аькьилшиву, инсанталгу, дуниялгу ххирасса бушиву. Аллагу Тааьлалан вин бахшиш дурну дур инсаннан къамудан дулайсса яла ххуйми, язими хасиятру.



Уттиния тиннайми 50 шингу вил оьрмулуву талихIсса, чаннасса, хъиншиврул дурцIусса хъуннав.

Мудангу бусравссар ина «Дараччи» фондрал давриву, хасну ттун ттунмагу, щала коллективрангу буллалисса кумаг, чIарав бацIаву. Оьрму лахъи баннав вил! Гъар дакIнийцири мурадирттайн бияннав!

Мариян Илиясовал цIанийсса «Дараччи» фондрал коллективрал цIанияту Гульшан ХАСАЕВА

Жу ххари бунну

Хъуртгал шяраву ца элмурдал кандидат ххи хъунни – АхIмадлул ва Айдал арс Бариев Юсуп.

Ванал 2011 шинал марцIну ххювардай къуртал бувссия Дагьусттаннал шярваллил хозьйствалул институт, ветеринар хIакинтал хIадур байсса факультет. Ва къуртал байхту, Аграрно-экономический техникумравун преподавательну зун увхссия. Цала пиша хъинну ххирану, студентьтурахъ дарсругу дихълай, практикалийнгу знай, диссертациягу чичлай уссия. Краснодардай Шярваллил хозьйствалул элмурдал кандидатнал диссертациягу лавайсса даражалий дурурчуну увкIунни.

Цахъхъун цIуллушиву дулуннав элмурдал докторнал ца ласунгу.

Элмулул ххуллийн увксса Юсуплун вава буюхъулий, хIарачатрай зунсса гъирагу, тIайлабацIугу чIа тIий буру.

Шамил КЪУРБАНОВ

Барча, Динарай!

Оьрмулул пас бувай оьмур
ва хъинмур,

Дишай заманалул
тунтсса шартIругу,

Инсаншиврул шагу,
тIайла ххуллугу.

Баччан къабувунни ина, Динарай.

Бура ина лайкъсса оьрмулул дусгу,
Ххирасса душшавран

нину ва ссугу.
Ххаллил уссурвал кьирият,

цIагу
Аслий дурурчунни мудан,

Динарай.

Хъиншиврул бутIагу,
марцIсса няяту,

Хъиривсса никиран
лайкъсса эбрату,

Бутгал тарбиягу, ниттил ургьилгу
Сийлий ядурунни ина, Динарай.

ЛичIаннав ххаринна
алвагъсса дакIгу,

Иминну кIиллайнна
ужагърал цIугу,

Даиман хIурматрай
ххаллилсса цIагу,

Барча вил юбилей, барча,
Динарай!

Патимат ШТАНЧАЕВА

Магьирлугърал хъхъу



Мартрал 27-нний шалагу дунияллул Театрданул кьини Лакрал театрдануву хъунни Абрисатнал Театрал ишккаккултрал

союзран 150 шин шаврин хас дурса акция – Театрал магьирлугърал хъхъу.

Ва хъхъуну тамашачитураша

буюхъунни ххал дан театрал магьирлугърал личIисса-личIисса жураду цацIун бувсса авадансса программа. Дайдирхъуна хъхъу «Айболит» тIисса оьрчIансса спектакльдания.

Муния махъ театрданул хъунама режиссер Аслан МахIаммадовлул ва режиссер Руслан Лариннул буванна мастер-классру. Микку лахъхъин буюхълай бия чIу ишла баврил техника. Театрданул художниктурал ккаккан бунни реквизит хIасул дайсса къайда.

Къуртал хъуна «Театрал магьирлугърал хъхъу» концертрал программалийнугу. Артистьтурал увкунна ттизаманнул балайрду, дурккунна оьруснал ва лакрал шаэртурал назмурду.

Зулайхат ТАХАКЪАЕВА



Тагьират Идрисова

Учитель дакниий иклай оьрчлан, циксса шинну гьарчагу. Хлакынусса кьинигу гьарица байрандалий Тагьират Абдулвагьабовначан бучлай цикссагу шиннардил хьхьичива школа кьуртал бувсса, утти цала оьрчлру, оьрчал оьрчлру хьусса ванил учениктал.

Ккуркуллал шьравасса Абдулвагьаб Магьдиевлул душнил Тагьират Идрисовал 60-нния лирчусса шинну хьуну дур оьрчлан кьулшивуртту ва тарбия дулаврил ххулий зий. Оьрмулун шинну ларгун дунугу, я оьрчлан, я директорнан итабакьин кьаччай, махьсса шиннардиинигу зийна буссия.

Ккурклив арулва классгу бувккуну, Тагьират бувххун бур Буйнакскалал педагогикалул училищалулун, муни-яр махь – Дагьусттаннал педагогикалул институтрал филологикалул факультетраин. Институтту ххуйсса кьиматирттай кьуртал буну, бувкун бур буттал шьравун. Кира шинай зий бивкун бур Ккуркуллал школалий. Яла шар хьуну, шагьрулийн бивзун, ва бувкун бур зун спортсентурансса школантернатраин.

Цинявннан ххирасса бур



Арснацал Мурадлуцал (куяха цалчинмур) ва выпускниктурацал

– Школа тивтуну бия 60-ку шиннардиий февральданул 2-нний. Гьарица шинах лахьхьунну кьичи дайссия школалул гьану бивзсса кьини. Та чумал школа-интернатрал директор ия Шамил Буттаевич тисса лаккучу, мунал кьамул буннав на даврийн, – буслай бур Тагьират.

Шикку зий 25-30 шинну дурну махь цамур кланайн гьан багьну бур. Тагьиратлуцал институтраву дуклай бивкисса, ванил даража кьулсса Ума Муртузавлиевал кьунку буну бур ва цила каялувшиннаралул аькьлу-кьулшилул махьун багьсса оьрчлансса (коррекционная школа восьмого вида) школалийн.

– Шу бутгуй школалул кьатри хьхьирил зуманив, Буйнакскалийн кьичираву дуссия. Микку

зий бунува, Сепаратор посело-край цусса, гьарта-гьарзасса кьатри дуллай ширивкуну бия Ума Махьаммадовна. Чьивучин бавссар жул школалия. Танийрагу ххуйсса шартлру дусса школа буссия, цанугу заманайа лавхьуну, гьар цимурчанул дузал буну буссар. Шиккун заназисса оьрчлру циняв аькьлу-кьулшилул махьун багьсса бакьассар. Буссар укунмасса школардай кунмассагу. Ва школалиясса ца ттул ученик цанасса чумал Иваново шагьрулийсса хьунмасса фабрикалул цехрал хьунаману ур. Мудан оьвчайссар, байраннай барча байссара, – буслай бур Тагьират Абдулвагьабовна. Ва ххуйну дакниий бур кьивагу школалул выпускниктуран. Ва школалийгу ванил учительнугу, методистнугу

30-ннийн диявайсса шинну дурну дур. Оьрчлан кьулшивуртту дулаврил ва ми тарбия баврил ххулий бивхьусса захьматрахлу ва лайкь хьуну бур Хьурматрал грамотарттан ва Барчаллагьрал чагьардан. Тагьират Абдулвагьабовна бур Аьрасатнал халкьуннан кьулшивуртту дулаврил отличник. Ва кьивагу цуппа зий бивкисса школардал дуклаки оьрчлан яла ххирами учительтуравасса ца бур. Даки-аьмал хьинсса, аьчухсса, цаманал буруккин лаласун кьулсса Тагьират ххирар чьихув-чьараханангу, гьан-маччанан ва ласнал ляхьиндалунгу.

Тагьират хьунма хьуну бур Тряхва оьрчл бусса кулпатраву. Цинявпа оьрчлру дурккисса, халкьуннан кьулшивуртту дулаврил, элмул ххулий ва цайми арардаву хьунмасса захьмат

бивхьусса инсантал бур. Хьунама уссу Аьвдуссалан, личи-личисса школардай учительну зийгу ивкун, чьирусса шиннардиий Аьрасатнал элмурдал академиялул Дагьусттаннал элмийсса центрданий зий ивкун ур. Ва философиялул элмурдал кандидатри. Кьурахьажь (аьпалухьхьун лавгунни) экономикалул элмурдал кандидат ия. Майцалку шиннардиий Дагьусттаннал университетрал машлул факультетрал деканну уссия. Тамирлан тима уссу Дагьусттаннал лайкь хьусса строитель ур. Патимат медициналул зузалар. Чьирусса шинну дурссар Махьачкьалалив хьаннил консультациялий (№3) зий.

Ххуйсса кьуллугьрай зий, пащава шайсса кумаг инсантуран буллалисса, жьаматран бусравсса иклайва ванил лас Давудгу. Чьирусса шиннардиий Дагьнефте-продуктрал хьунаманал хьирив-чувну уссия. Вайннал ца арс ва шама арснал оьрчл бур.

Арснал душ Асват Дагьусттаннал медициналул университетрал стоматологиялул факультетту кьуртал буну, Москвавил сий дусса клиникалий хьхьичьунсса пишакарнан ккаллину бур. Вагьабгу стоматологрия. Ва цала пишалий Махьачкьалалив зий ур. Хьамзат Дагьусттаннал медициналул университетрал студент ур. Вайннан чьалачин дакьар цала буттал ниттиха. Уссурсуннангу, гьан-маччанангу, выпускниктурангу ххирар Тагьиратлуцала батин, ихтилатрай шьабиклан, ва рахьатсса, хьамал ххирасса, гьарнах кьулагьас дан кьулсса буну тий.

Цуллушиву дулуннав, чьирусса шиннардиий ттгугу мукунма цинявннан бусравну ва ххирану битаннав.

Анриана АБДУЛЛАЕВА

«Интнил хьхьунил» байран Вихьуллал шьраву

Гьашину, 2026-ку шиналсса, шалагу Ккуллал райондалул цачусса «Интнил хьхьунил» дуван пикри хьуну бия Вихьуллал шьраву. Хьинну ххуйсса пикри хьуну бия.

Байран цурдагу хьунни мартрал 25-нний, Вихьуллал шьраваллил хьхьичьисса тти-заманул бигьалагай багьраву. Дуря уттигу зунттаву гьилишиву дагьангу. Буллайин бия кьинтигун зурдардиивагу кьабувсса марххалагу. Зунттаву инсантуран инттусса марххалагу ччиссар лухччи шинал дурччуну дикланшиврул.

Интнил цила гьилишиву жунна чьал кьархьуну бахшиш дулланшиврия буслай бия муьхьирдая муьхьирдаин, магьая магьайн лехлай, янилун багьлагьисса вяркьултрал, чьелмултрал, хьхьируннал ва цаймигу лелуххантрал. Бия янилун багьлай чьимучьалттугума. Байран дулламиннахун дахкьачин бухьунссия, тьабиаьтралгу дарусса, даркьусса кьини бахшин дурну дия.

Тамаша банмурдив «Интнил хьхьунил» байрандалий чансса дакья. Лагмава райондалийсса 14-гу шьраваллил цала-цала кьушру бившуну бия. Байрандалий гьуртту хьанакьиминна-



ва чьивумигу бия шьраваллил культуралул кьатрал ва библиотекарттал зузалт, школардал дуклаки оьрчлру.

Шиккува кьичи буван, ца миллатрал бухьурчагу, жула гьарцагу шьраваллил цила-цала дахханашивуртту диклай.

Шьраваллил гьарца кьушл хьхьичьух ранг-рангсса хьаттирал ссупрардай дирхьуну дия личи-личисса лакку дуркьарду ва хьхьичьара ишла дуллай бивкисса тьахьни-кьичьу.

Шьраваллил гьуртту читал

цала-цала кьушличьа бацайхту, «Интнил хьхьунил» байран тиртгиву баян бувуна Хьурал шьраваллил Халкьуннал театрданул режиссер Марсел Сулаймановлул. Яла, циняв лавай бавцуну, вичи дирхьуна Аьрасатнал ва Дагьусттаннал гимнах. Инт дайдишаврил шадлугь барча дуллалисса махь лавхьуна Ккуллал райондалул бакьичинал хьиривчу Анатолий Давдиевлул. Хьирив байран барча дуруна Вихьуллал шьраваллил администра-

циялул бакьичи Сайкьу Сулаймановлул.

Муния махь дайдирихьуна аьдатру ккаккан дуллалисса шадлугь. Цалчин майданнив бувккун Вихьуллал коллектив. Ца ххуйну чьалай бия чьинчурдаву ва бакьвахьурттаву Вихьуллал хьам. Вихьуллал Культуралул кьатлул худрук Оьмариева Камилатлул хьадур дурну дия авадансса программа. Кьавтгавривух гьуртту хьанакьисса школалул душваврахь дия царай авурну чьолу дурсса

бартри. Шаллу бувуна вайннал интнихасса балайрду, дурккуну саннарду. Вайннал хьирив ирглий ккаккан дуруна цалла-цала шьраваллан хасьсса, лакрал миллатран аьмсса «Интнил хьхьунил» аьдатру 2-мур Цувкьуллал, Цьушаннил, Кьяннал, Цьуйшиял, Хьювхьиял, Хьюйнал, Чьийнал, Ваччиял, Сунбатлулал, Ккуллал, Хьусраций районнал культуралул кьатрал зузалтрал. 1-мур Цувкьуллал пагьламантулгу, машгьурсса пагьламан Маммаев Камиллулгу дия маразирттайх чьиманаша лахьан шайсса пагьланну дархьуну. Минну цала гьунарду ккаккан буллай бия Цувкьуллал школалул дуклаки оьрчлру.

Байран лахьиларгуна кьира-шанна сьятрай. Ахирданий гьуртту читал цачьу бавцуну, хьамакьабитулунсса суратругу риршуна.

Р.С. Махьсса гьантрай бувсса марххала сававну, шьравун нанисса ттукьрал тгаллу гьавгьун, чани бакьа сайки хьюва гьанттар. Мунияту чьал хьунни ва макьала кказитраин гьан дувангу.

Нагу зул хьурматрайсса Хьажимурад ХИУСАЙНОВ, ш. Вихьул

Байбихъуна мажлис Лакрал гимнрайну. МухИуттин Чаринов-лук мукъурттийсса ва гимнрал макъандалул авторгу Шагьимардан Акниеври. Мажлис нанисаксса хIаллай, ванал оьрмулия, творчестволия буслай бия мероприятие дачин дурсса Дагъусттаннал халкъуннал артист Аслан МахIаммадов ва «Дагестан» ГТРК-лук Лакрал радиовещаниялул хъунмур редактор Тамара Закарьяева.

Шагьимардан дакIнин утлатисса ихтилатру бунни жяматийсса ишккакку Шалласу Шалласуевлул, Дагъусттаннал Жяматийсса палаталул председателънал хъиривчу Сапарбаг Абдуллаевлул, Дагъусттаннал Музыканттурал союзрал правлениялул председателъ Хан Башировлул, Лакрал райондалул Культуралул управлениялул хъунама Ансар Къажлаевлул, Гъумучиял школалул директор Соня Макъаевал, Шагьимарданнул ученик, ванал хорданува балайгу тий ивкIсса Мурад Оьмаровлул, Шагьимарданнул ученица, Хъурттал школалул учительница Аьйшат Бариевал ва м.ц.

МахIачкъалалив акъашиврийн буну, видеосвязьрайхчин ихтилат бунни Дагъусттаннал Композитортурал союзрал председателъ Рамазан Фаталиевлул. Ванал лавайсса кымат бившунни цайнува цува хъусса композиторнан, ванал музыкалул творчествовалун.

– Новаторшиврул виваллил аслу бусса Шагьимарданнул нотарду чичайсса цала системагума ляхъан дурну дур. Ванал чичайсса диркIун дур макъанну математикалул лишаннай – дробирдай. Ванийнугу исват хъанай бур Шагьимарданнул творчествовалул потенциал. Ванал захIматран тигу лайкъсса кымат бившуну бакъар, – увкунни ванал.

Шагьимарданнул мукъурттийсса ва макъаннайсса балайрду увкунни Мариян Дандамаевал цIанийсса Гъумучиял Искусствардал школалул оьрчIал ва Лакрал театрданул артисттурал. Ххаллилсса балай шалду бунни цIанийсса музыкант Зулпукъар Дибировлул арнал ХIанипал. Ахирданий ппу дакIнин утан ва ванал вечерданий гуртту хъун бивкIминнахъ, ва даву дузрайн дуккан кумаг бивминнахъ барчаллагъ тIисса ихтилат бунни мероприятиелул сиптачи ва сакиншинначи Аьзизал. – Ттул хиял бур ялун нанисса оьрчIангу буттал творчество кIулну дикIаншиврул, ванал цIагу абад даншиврул Гъумук хор цIу дуккан дан ва таний кунма, оьрчIал багърава тIайла хъуну къамул буллан му хордануван оьрчIру, циннагу буттал цIа дулун, – увкунни ванал.

Цинявпагу ихтилатчитал кIицI лаглай бия Шагьимардан Къазакъилаевичлул лакку мазрахсса ччаву ва муних оьрчIангу гъира бутан буллай ивкIсса хIарачат.

Ххазинасса ирс къабивтссар

МахIачкъалалив, Лакрал театрданува, лавайсса даражалий Шагьимардан Акниевлул творчествовалун хас бивсса, ва дакIнин утлатисса мажлис. Шикку гуртту хъун бивкIун бия Лакрал райондалул вакилтал, Шагьимардан Къазакъилаевичлул учениктал, гъан-маччами, цинявпагу ванал творчество ххирами.



– На Гъумучиял школалай дуклай, шанна шинай ялапар хъанай ивкIссара детдомраву. Ванал жухъ дарсгу дишайва, художествовалул самодеятельностьрал каялувчигу ия. Шагьимардан Къазакъилаевич ия лакку мазрал къаралданий авцIусса муабллим. Ванал сакин буну бивкIссар лакку мазрал грамматика. Музыкалул кIулшивуртту ларсъясса акъанугу, му чулухагу тIабиаьтрал цилва буллусса гънар бивкIссар ванаву. Ваналли сакин дурсса Дагъусттаннал зунттал районнай хъхъичIра-хъхъичIсса художествовалул самодеятельностьрал кружок. 1939-ку шинал Шагьимардан цала самодеятельностьрашрал Гъанжиллив увкIсса чIумал, вайннахъ буруган бивкIссар шала интеллигенция, Дагъусттаннал къуллугъчал. Микку ивкIссар цIа дурксса Готфрид ХIасановгу. «Шагьимардан Дагъусттаннал хорданул ппу хъанайхъиссар», – куну лавайсса кымат бившуссар ванал. Хорданий балай тIутIиний, чIявусса чIурду архIал бачин бивсса (многоголосие) къайда хъхъичIра-хъхъичI ванали ишла дурсса.

ЦIанийсса композитортал С.Агабабов ва Г.ХIасанов ванащал кIул хъун Гъумукун бивкIун бивкIссар. Щаллусса къини ванал хорданух вичIилий, самодеятельность ххал дуллай гъан дурссар, – бивсунни Шалласу Шалласуевлул.

– Шагьимарданнул хъуннасса тIалавшинна дия лакку мазрал чулухуннай. ХIакъину маз бухлагансса нигъачIаврия, жула оьрчIан, оьрчIал оьрчIан маз къакIулшиврия шикая-трайсса чIумал, жунма хъиннува бивчIлай бур ганал къадрукъимат. Та чIумалва бивчIлай бивкIун бур ванан маз къабитарча, жула культурагу духлагантIишиву, миллатту миллатну къаличIантIишиву. Шагьимардан Къазакъилаевич куна



лакку маз кIулсса, му лахъхъин бан хIарачат буллалисса 5-6 инсан ивкIссания, бюхъайва жунма хIакъину маз ябаврил масъалартту гъаз буллан къабагъан, – увкунни Сапарбаг Абдуллаевлул.

– Шагьимардан Къазакъилаевич бусса оьрмулий Гъумучиял школалай зий ивкIун ур. Ларгсса шинал сентябрьданий шадлуьтрал даражалий тIиртIуссар школалай ванан аьпалул ула. 1977-ку шинал къариртун дур Шагьимарданнул даву. Тания шихуннай ххюцIалла шин ларгун дур. Лакку маз ци даражалийн багъну буриж жунма чIалай бур. КIулну бивкIссания Шагьимардан Къазакъилаевичлул лакку мазрах къулагъас дакъасса, му сан бакъул буллалисса ник ялун нанишиву, мунаша му зат бухIан къахъунссия. Та чIумал лакку маз муксса бюхъатлулу, сий дуну бивкIун бурхха цайми дарсру лахъхъиннин му лахъхъайсса диркIун дур. Лакку мазрал экзамен диркIун дур, – кIицI лавгунни Соня Макъаевал.

– На хIакъину личIи-личIисса асарду хIала бивххун ура. Ца чулуха ххарину ура жула Шагьимардан Къазакъилаевич дакIнин

утан бавтIун тий. Ца чулухагу пашманну ура га жушала акъатий. АрулцIалку шиннардий, на, консерваториялул студент, шавай, Гъумукун увкIун ура. Пионертурал къатлулу пианино бишлашисса на кавккун, увххун, вичIи дирхъуну шяивкIуна. Перерыв дайхту, тгухъ цура, цира, чув дуклай ура куну цIухху-бусу бивна. Консерваториялулу дуклай ушиву бивсукун, гъаксса хъина жула лаккучу мукунсса кIанай дуклай уну, рязи хъуна. Лакку балайрду, лакку макъаннугу хъама маритара, увкунна. Укун кIул хъуссара на Шагьимарданнул, – бивсунни Хан Башировлул. Ихтилатру къуртал хъуну махъ Шагьимарданнул ученик, шаэр Къурбан Къурбановлул бахшиш бунни Аьзизан

мучиял педучилищалулу. Ванал цIа машгъур хъуссар халкъуннаву гъунар бусса композитор ва шаэр хIисаврай. Ванал макъаннай балай учайсса бивкIун бур машгъурсса артисттал Мариян Дандамаевал, Зулпукъар Дибировлул, Изумруд ЖахIпаровал ва м.ц. 1938-1968-ку шиннардий ванал хорданува гуртту хъуну бур кIиназаруннийн бивсса инсантал. Ухссавнил Ккавказнаву оьрчIал хор цалчин ванал сакин дурну дур. Шагьимардан Акниев лақрал цалчинсса композитор хъанай ур. 1957-ку шинал бивксса «Деятели музыкального искусства Дагестана» тIисса луттирай машгъурсса композитортурувах ванал цIагу дур. Ухссавнил Ккавказуллал самодеятельный композитортуруву Шагьимарданнул цIа хъхъичIра-хъхъичI дагъуну дур Хъунмасса совет энциклопедиялулун. 1980-ку шинал итабавкъуну бур «Лелуххантрал ва оьрчIал балай»

Акниевлул наслу

тIисса Шагьимарданнул шеърирдал жуж. Буссар Акниевлул оьрчIансса магъригу. Авадансса ва яргсса дур Шагьимарданнул творчество. Миллатрал культуралул даража гъаз бан ванал бивхъусса захIматран багъа бишун къашайсар.

Шагьимардан дакIний уссар хъхъичIунсса лакку мазрал учитель хIисаврайгу. Ва дарс дихълай ивкIун ур 63 шинай. Цала бусса оьрмулий ивкIун ур оьрчIан лакку маз лахъхъин буллай, муних гъира бутлай, жула мазрал аваданшиву, пасихIшиву ккаккан буллай. Ванал цала сакин буну бивкIссар лакку мазрал грамматика.

ИвкIун ур гужсса багъманчигу. Ванал ци дугъарчагу аргъирай ххяххайсса диркIун дур. Укун гъарица чулуха гъунар бусса инсантал чIявусса хъунакъабакъай. Шагьимарданнул творчество миллатрал ххазиналул ккаллисар.

Ва къини шиккун буккан буну бия уттигъанну итабавкъусса, 500-ннийн дивайсса назмурду дусса «Ттул балайрду» тIисса Шагьимардан Акниевлул шеърирдал жуж.

Вай махъсса гъантрай Щусса-Влакрал району захIматсса тагъарданува дирчIунни. ЧIярусса гъараллу ларчIун тий, кIанттул власть краннава нанисса щин махIачIару тий къадагъа дуллай бур.

Ва ишираву агъалинан кумаг бунни Щуссалакрал райондалул цIуминалийсса «Ново-

Райондалул жагъилтурал кумаг бунни

строй» тIисса ЛМО (лидер молодежи общества) жяматийсса организациялул. Ванал председателъ, кикбоксинграл тренер Минкаил Рамазановлул хIарачатрайну шяраваллил агълу ва кIулшивуртту дулаврил ида-

рартту дузал бунни шушравусса марцIсса шинал. Аьмну, 2 тонна шинал диян дунни вайнначIан. Мунил мадара бигъа дунни цIанасса шартIирдайсса тагъар. Щин диян дунни ЦIуминалийсса оьрчIал багъирдайн, школар-

дайн, мукунна дуллуни шяраваллил агъалинан. Вай аьркиннин диян дан хъунмасса кумаг бунни ДучIиннал шяраваллил жагъилтурал. Кумаг бунни Бияврил искусствардал школалул директор Рамазан Маммаевичлулу.

Къини дурксса чIумал пацIун хъуну, кумаг бан хIадурну бушиву чIалачIи бунни кIанттул ккурандалул. ПацIусса хIарачатрайну агъали марцIсса шинал дузал баврил масъала ччяни щалу бан бювхъунни. Щуссалакрал каялувчинал барчаллагъ увкунни ва ишираву кумаг бивсса цинявннахъ.

Лажин хIадур дурссар Андриана АБДУЛЛАЕВАЛ



Юбилейран хасну

«Ца ттиркьюкбал жамилий»

ИБРАГИМ-ХАЛИЛ
КЪУРБАНАЛИЕВ

Умуд

Аьзисса буттал улчай,
хурдай тийна ик'ара
Муруллава, ххяллава ца мусил
мядан буккан:
Мискиншиву сававрай ссвиллив заназисса
Вай лакрал устартуран тарханшиврул
бут'а бан.

Ссут дайдихлан гъан хувкун,
кьюрукъ лавай бавчукун,
Ккучу-ккучунну хуну, лакми ялавай бачай.
Буттал к'анттул ххазина
цинявннан гъа къавхуну,
Хъуна, ч'иви къакуну,
цинявппа бувкун бачай.

Чара шар, хъунна нину агъ-угъ
тийна къабивтун,
Циняв лакрал жагилтал
Оьруснавунмай бачай.
Никирац' мюрши оьрч'ру «Мяммай!»
тийна къабивтун,
Лакрал устартал циняв
х'алт'илухунмай бачай.

Кувгу шаг'урдайн лавгун,
кувгу хутордайн лавгун,
Гъурватрал къурч'ишиву
гъарцаннан ккух'ин багъай.
Зах'имат бан, даву ляк'ин
к'лани-к'анттурдаих букалай,
Тахсир бакъа ссвиллив
гъариманан гъан багъай.

Аман хурдай учара,
аьзисса буттал к'анттай
Муруллава, ххяллава ца мусил
мядан буккан:
Мискиншиву сававрай ссвиллив заназисса
Вай лакрал устартуран
тарханшиврул бут'а бан.

1916 ш.

Трактор

Бурчу,
поркъу,
бартрах'ин,
ащи.

Чут'и,
ч'ур,
ник'а,
мах'лик'а,

т'уршилухсри
хяр-хюр.

Рук'и,
хъарас,
хъарайн лахъай.

Гъай –
гъуй,
вогъа,
гъай.

Гъам, оьгъ т'ий,
гъам чап т'ий,
к'амаймулийн
къуч т'ий,

Никъурай ччанну бизлай,
Турлийн къюч бигълай,
Къут'ин дуллай,
Дан къахъанай,
Мархха, къюрш
Хъхъич'ун дагълай,
Ина хайратрай ччуччивуй:
Вогъа, вогъа, воо-огъагъ,
Мархха букваннин бац'и!
Хъат'рал букивухъул!
Гъай, гъай, гъай!
Яла гъай.
Гъай, яла гъай,
Яла, яла, яла, ялааа!
Гъай-гъай,
Вогъа,
Вогъа, вогъа,
к'ура баву,
залуннах букивуй,
хайрат!!

Гъай-гъай,
Ялтту, ялтту
ялтту, ялтту, ялтту!!
Ялтту хъу,
бурк'и!
Къут'ай, дуккай,
Лавай-ялавай,
Аьрчча ххуллурду
Гъарца чулинмай.
Ч'ур гъагъай,
Ник'а буцай,
Турлих ч'ут'и
Бакъа шай.
Ришлай ницайх нурша
гъагъай,
Ницал т'уршилухсри гъагъай.
Къат'а буц'лай,
Къуркъив бизлай,
Лях лич'лай,
Ц'инц'и хъанай, -
мулцу, муччуч,
к'уч'алу, к'ут –
марц'и лач'а
ч'алуран шай.
Трактоооррр!!!

Лакку к'лану

Буттал к'антту ххирар чай,
Бюхттулссар зунтурдив чай,
Неъмат чув бухурчагу,
Хурдай, аман, Лаккуй чай.

Лух'исса ттурлу дуккай,
Барзунттал бак'айх дишай,
Ц'упар чай, къув-аьс учай,
Ссаврду ххядуклай дачай.

Бувт'уну т'ух'ипан бачай,
Мик'ирал чъахъа бичай,
Гъаризат дярххун дачай,
Рат'айх аьгартту бачай.

Чан-чанну т'ий пахъ дагъай,
К'яласса ттурлу дуккай,
Няк'исса ссав ч'алан дик'ай,
Сурулкуртта аьлтту шай.

Яла гъили баргъ буккай,
Гъаризад тяхъа дуккай...

Чат'и мурад

Хурдай ца дак'инил ччисса:
Бак'рай къапа бишайсса,
Лялу ярагъ бах'айсса,
Чай гъунарду бан к'улсса.

Хурдай дак'и чаннанлсса,
Чийяту нигъ дакъасса,
Хурдай ттушал душманнайн
Аьрайн арх'ал буч'айсса.

Хурдай дух аьдатирттайн
Аьмал цил къабувайсса,
Хурдай бак'рал ихтияр
Цила к'унттихъхун ларсъсса.

Хурдай инк'илаб к'улсса,
Сиясат цин дурч'усса,
Элмулут луттирда
Мурад ласун бюхъайсса.

Хурдай хъув х'ун буч'айсса,
Арх'ал ччалли къав байсса,
Хурдай ххалав буч'айсса,
Арх'ал ч'иник'и бишайсса.

Аман, хурдай к'иягу
К'ул бакъа хъунабак'ин,
Щюлли къурнил дяниву
Кисаран ч'ап'ул маршай.

Хурдай жувалу ца хъув
Ина х'уй, на къав бах'лай,
Къувардил лизу дурну,
Лизулух дардру дач'лай.

Хурдай ххалав ххарт'а т'ий,
Кисаран ч'ап'ив буллай,
Маршай щуццул ххютулу
Ччаврил хаварду буслай.

Хурдай жуа к'иягу –
На букалай, ина чичлай,
Элмулут луттирда
Лялу-жавгъарду бувч'лай.

Хурдай, аман, к'иягу
Ца ттиркьюкбал жамилий,
К'яла ттуруллал ялтту
Няк'и ссавнил лув сайр буллай.

Аман, хурдай к'иягу
Хуриятрал дяввийил
Душманнаяр ххув хъанай,
Ххаришивуртту дач'лай.

Хурдай, аман, к'иягу
Ца ккуллалйну бишун,
Цаннал ч'арав ца багъну,
К'инналлагу жан дулун.

1921 ш.

Эшкъи ва ччаву

Дунъяллал неъмат цир
Эшкъи къаккаркнан?
Оьрмулут лазат цир
Ччаву къархунан?

Эшкъилул ивч'аврийн
Бивк'у чайссарив?
Ччаврил ччучлачаврийн
Азар чайссарив?

Неъмат бур дунъяллал
Эшкъи хъуманан,
Лазат бур оьрмулут
Ччаврил ччувчунан.

Эшкъи хъуну ура
Неъматрай ура,
Ччаврил ччучлай ура,
Х'азирай ура.

Ттул оьрмулут лазат –
Эшкъи ва ччаву
Дакъасса къини ттул
Къачча дунйал...

1924 ш.

Инт дурк'унни

К'и ларгунни, инт дурк'унни,
Дак'ру дури хъахъа т'ий,
Гъарица гъапулну дирк'имур
Дури чант'и т'ий, сукку т'ий.

Гъили ч'арак'лу дурккунни,
Зунтурду бур хъхъев-хъхъев т'ий,
Марххала баслан бивк'унни,
Рат'ру дури жюр-жюр т'ий.

Ссавния лайсал гъарал дур
Гъантта ляхну зигъ-зигът'ий,
Лух'и аьршаравату дур
Уртту-тут'и хъахъа т'ий.

Мурхъирдай къупру хъа кунни
Тут'ив дури янхъа т'ий,
Тут'лах аьшукъсса булбул бур
Мурхъирдавух щют'а т'ий.

Лелуххант гъалмахтал хъуну
Арх'ал бури ч'ев-ч'ев т'ий,
Къанчуллалу хъхъилулт бури
Кюртти буллай, гу-гу т'ий.

Хурзилттаву найрду бури
Авлий гъан ччай зив-зив т'ий,
Аьнак'ал оьрч'ру бавчунни
Ларзурдавух ч'ев-ч'ев т'ий.

Чиру бунни, бярчу бунни,
Ниттихъайн бур мягъ-мягъ т'ий,
Гъаттарал газу дурккунни,
Къаннайх бури т'урк'у т'ий.

Къурату айгъургу бури
Курлан хъуну, х'у-х'у т'ий,
Дарвач ганзсса бугъри бури
Валтру дихлай, був-був т'ий.

Хъузалагу хъув авчунни
Ницал хъирив гъай-гъай т'ий,
Хъирив къаригу дарчунни
Парал ттукуйин х'а-х'а т'ий.

Къурувппай душру бавчунни
Уртту-шин дан, балай т'ий,
Хъирив оьрч'ругу бавчунни
Нур-къюрш дурч'ин, щют'а т'ий.

Бург'илу хъуни къужри бур:
«Аман, Зал жун дула» т'ий,
«Хъу дюхъан да, тта бюхъан ба,
Бак'ин бува гъава» т'ий.

«Хъаннил байми оьрч'ру» баннав,
Миллатран аьскар хъун» т'ий,
«Душ бай мунил ххуйсса баннав,
Оьрч'ал ччаву даван» т'ий.

«Зулму гъаннав, аьдлу хъуннав,
Гъарчу илкин хъуннав т'ий,
Душманталми бухлаганнав
Даим хъуннав Шура» т'ий.

1924 ш. апрель



Аьралийтурал хъаннил кӀулшиву авадан даврил ххуллий



Ххуллукьини МахӀачкӀалалив, «Россия – моя история» тарих-рал паркраву, хъунни «Каспийская звезда» цӀанилусса хъаннил кӀулшиву авадан даврил ххуллийсса цалчинсса конференция. Ва сакин дурну дия Мурманскалла областӀрал Цасса волонтершиврул центрданул, Аьрасатнал ВМФ-рал Каспийскалла флотилиялул командованиялул ва Дагъусттан Республикалул ХӀукуматрал кабакъаврийну.

Конференциялул лагрулий аьралийтурал ва ватан дуруччултрал хъаннин хас буну, Москваляясса, Мурманскаляясса ва МахӀачкӀалалиясса экспертгурал бункунни лекцияртту, ккаккан бунни мастер-классу.

Дагъусттан Республика хъуну дур ряххилчинсса регион «Звезда Севера» тӀисса Мурманскалла областӀраяясса шалагу Аьрасатнал проектрал конференция дуллалисса.

Ваний гуртту хъанай бур Аьрасатнал мукьва флот: Беломорскалла, Ухсавнил флотрал, аьралуннал ва хъхьирил база, Каспийскалла флотилия.

Гьарца шинал шалагу Аьрасатнаву «Звезда Севера» проектрал флотирдал конференциярттай гуртту шайсса бур мукьазарва хъамитайпа. Ваний цӀусса кӀулшивуртту ласавришал вайннаша буюхълай бур цала сиптардугу чулийн дуккан даврил ялув зун. «Каспийская звезда» МахӀачкӀалалив итабакъаврийну лавсун бур Аьрасатнал ВМФ-рал буссар куска флотру ва флотилияртту цацӀунмай бувсса социал проект хъхьичӀунмай банса ша. Мунил агамшиву хъунна хъанай дур проект Аьрасатнал Халкьуннал цашиврул шинал чулийн буклай бушиврийну.

Конференциялий гуртту хъунни республикалул культуралул министр Зарема Буттаева. Ванил бувсунни Дагъусттаннал бакӀчи Сергей Меликовлуясса ссалам.

«Ва конференция 2020 шина шинай жула билаятрайсса «Звезда Севера» тӀисса хъуннасса социал проектрал цӀусса этапри. Проектрал цацӀун буллай бур регионну хъхьичӀунмай баврил ххуллий чӀалансса кӀантту бугълагьисса цимивагу азарва

чумартлувсса хъамитайпа.

ДаӀкийхтуну барчаллагьрай ура Цасса волонтершиврул центрданул каялувчи Евгения Владимировна Чибислуйн, проектрал шалла командалийн аьралийтурал кулпатирттан кабакъаврил ххуллийсса даврихлу, опыт кибацӀаврихлу ва Дагъусттаннай цӀусса цӀуку лахъаврихлу», – увкуну бур Сергей Меликовлул адресрай.

«Звезда Севера» проектрал мероприятияртту най дур Аьрасатнал Федерациялул СоветрацӀасса «Женщины и их роль в развитии флотских городов» тӀисса Евразиянал хъаннил форумрал лагрулий.

МахӀачкӀалалив конференция тӀитӀлай, видеосвязьрай Евразиянал Хъаннил форумрал советрал хъунмур Галина Кареловал увкунни: «МахӀачкӀала шагьрулул аьчухну къамул дунни Евразиянал Хъаннил форумрал советрал проектрал команда. Мукьва флотрал вакилтал лагма лавгунни проектрал координатор Евгения Чибислул, хъаннинсса каширду тӀитӀиншиврул, цала шагьруду хъхьичӀунмай буланшиврул, СВО-лул гурттучитуран ва вайнна кулпатирттан ка-кумаг буланшиврул. Зул оьрму зула ласаврацал бавхӀуну буссар Каспийлий кӀуллулгъ баврицӀун», – увкунни Галина Кареловал.

«Нажагьсса хъамитайпалун бакъа нясив къашайсар аьралийчунал кулпат хъун. Хъхьукьини дакъа кӀуллулгърайясса лас, даврийн ухаврил ялувса бурруккинтту, кӀуллулгъ булан цамур кӀанттайн бизаву. Укунсса тагьардануву аьч шайсар оьрмулул гьалмахчунал даӀ тӀайлашиву, вихшаласса къинтта, чул бишунсса ттарцӀ ва аьра-

лийчунал талихӀ. Каспийскалла флотилиялул хъунаманал цӀания барчаллагъ тӀий ура зухъ, гьарцанухъ, зула кулпатирттал чӀарав бушиврухлу. Мурманскаляясса хъамаллурахьгу барчаллагъ тӀий ура флотру бусса шагьрурдай зу дуллалисса хъуннасса даврихлу», – увкунни контр-адмирал, Каспийскалла флотилиялул командирнал хъиривчу Игорь Никитиннул.

Гьарца шинал преподавателътал цала хушрай кумаг буллай бур кулпатирттаву нахӀу-хӀалимшивугу дурурччуну, хъаннин пишакаршиву лахъхьин дан, вайннал потенциал аьч бан.

Конференциялия махъ экспертгурал консультациярттал кумаграйхчил хъаннин гьира багълай бур цивпа заллусса проектру хӀасул дан.

«Жу вай конференцияртту хӀасул дарду хъаннил цала тӀалавшиннардайн буну. Гуртту хъаннахъиминнал кӀулшивуртту ласлай дур, дуклан най бур, цанма даӀ гьанса цӀу-цӀусса дустал ляхълай бур. Ва къяйдали хӀасул дуллай бур цала проектру.

Вайннал проектру зий дур шала билаятрай. Дагъусттаннай зий дур шалагу Аьрасатнал кӀулагъасран лайкъсса хъаннил чӀярусса сиптарду. Жугу ляхълай буру вай сиптарду зузи данса ххуллуруду.

МахӀачкӀалалив хъусса конференциягу мунин кабакъу хъунсар. Жу вихну буру Дагъусттаннаясса душру-хъами флотирдал конференциярттай чялишну гуртту хъанантӀишиврийн», – увкунни Евгения Чибислул.

«Каспийская звезда» конференциялий, волонтертал хӀисаврай, гуртту хъунни Москваляясса, Мурманскаляясса ва Дагъусттаннаясса урчӀа преподаватель. Вайннал бункунни цӀуллу-сагъшиврийн, психологиялийн, оьрчӀан кӀулшиву дулаврийн, пишакаршиву ишла даврийн багъайясса лекцияртту.

Зулайхат ТАХАКЪАЕВА

ЦӀуссалакрал райондалий хъунни хасьсса аьралий операциялий жанну дуллусса аьралийтурал ниттихъашалсса ва кулпатиртташалсса хъунабакъаву.

Къучагъсса арсурваврал ниттихъашалсса хъунабакъаву



Аьралийтурал кулпатиртташал хъунабакъаву, жижара бунни ЦӀуссалакрал райондалул хъунаманал цалчинма хъиривчу Султан ХӀамзаевлул, райондалул бакӀчинал хъиривчу Макьсуд ХӀамидовлул, райондалул прокурорнал хъиривчу МахӀаммадрасул Вазировлул, райондалул Депутатгурал Мажлисрал председателна хъиривчу Сулайман Оьмаровлул, «Защитники Отечества» фондрал социальный координатор, военкоматрал вакил Оьмар Оьмаевлул, «Память гор» организациялул ЦӀуссалакрал райондалийсса отделениялул каялувчи Давуд Садаевлул ва мукунма цайминнал.

– Хъунмасса барчаллагъ учин ччай ура Ватандалул ххуллий чувшиврий жанну дуллусса къучагъсса арсу тарбия бувсса ниттихъахъ. Зул арсурваврал, ласурваврал жанну дуллуссар Ватандалул мурадру, мюхчаншиву ва цашиву дуручлай, ялун нанисса никиран паракъатсса оьрму дузал буллай. Жун мудангу даӀкийн дикӀантӀиссар вайннал чувшиву.

ТачӀав хъамакъабитантӀиссар жула аьрци душманная дуручлай, жанну къурван дурсса жагьилтал. Вайри жула ялун нанисса никиран эьратрансса патриотътал, – увкунни Макьсуд ХӀамидовлул.

Ва къинисса хъунабакъаврий аьралийтурал ниттихъахъун ва кулпатирттахъун дуллунни арсурваврал канил дугьан нясив къадурсса Къучагъшиврул орденну, Жуковлул медальлу ва цаймигу паччаӀлугьрал наградартту.

Хъирив военкоматрал вакилтурал цӀухху-бусу бунни цукунсса масъалартташал хъунабакъалай буссарив аьралийтурал кулпатру. КӀицӀ лавгунни, аьралийтурал кулпатирттан багъайясса ка-кумаг тӀалав бан райондалул администрациялийн ва военкоматрайн бучӀан буюхъайшиву.

Хъунабакъаврий гуртту хъуми бия ниттихъал даӀку данмур буслай, аьралийтурал цӀарду абад даврил ххуллийсса сиптарду кӀицӀ лаглай.

Имара САИДОВА

Жагьилтуралгу хъунмасса захӀмат бихълай буссар

Халкьуннал Мажлисрал сессиялий Аьбдулмуслим Аьбдулмуслимовлул 2025-ку шинал Дагъусттаннал ХӀукуматрал дурмунил хӀасиллу дунни. Ванал бусласимунийн буну, ххюра шинал лажиндарай гьарица чулухасса ккаккиарттайну Дагъусттан хъхьичӀунмай хъуну бур.

– Укунсса хӀасиллу хъун дан хъунмасса захӀматрал бутӀа бивхъуну бур жагьилминналгу, волонтершиврия байбивхъуну, шагьрурдал ва шяраваллал диц-куц даххана дансса сиптардайн бияннин. Буттал кӀанттул цӀанийясса Хъунмасса даявийлий Ххувшаву ларсун 80 шин шаврил ва Ватан дуруччул шинал 445 азарунни ливчусса гурттучитуран жу дарду ттуршунни лирчусса патриот мероприятияртту. Дуниялул халкьуннал дя-

нивсса жул волонтертурал корпус билаятрай яла хъхьичӀунмур хъунни – 13 азара доброволец, 3 азарда акция. Вай цифрардайнну чӀалацӀиссар чӀявусса даӀ цӀуцӀисса инсантурал захӀмат. Барчаллагърай ура министерствалул командалийн, муниципал пишакартурайн, волонтертурайн, активисттурайн. Вай зул аьмсса ккаккиарттур, – увкунни жагьилтурал иширттал министр Камил Саэдовлул.

Анриана АБДУЛЛАЕВА

Зумаритавал байрандалий цачлу

Зумаритавал барз кьуртал хъанахъисса кьини, МахIачкъалив «Европа» тIисса банкетру бай залданувун бавтIун бия республикалул шагьурда-ясса ва цайми регионаясса хъамалгу, лакрал шаннагу район-наясса агъалигу. Зал шапI куну бувIуну бия. Ифтарданул сит-гачиталну бия республикалул Муфтият ва шаннагу районда-лул имамтал.

Аьдатравун багъсса куццуь, мажлис тIивтIунни мубараксса Къуран буккаврийну. Дайди-хъулий хъамаллуврайн овьча-ву дуллаь, Муфтиятрал вакил МухIаммад Майрановлул бус-сунни Рамазан зурул агъамши-врия ва кIицI бунни ялун нанис-са ник диндалул кIулушивуртту куртI дуллаь тарбия дуллан аьр-киншиву. Ванал чIурчIав дун-ни чара бакъа миллатрал тар-их куртIну лахъхьин буллан аьркиншиврий ва ниттил маз хъхъичIунну бикIан аьркин-шиврий.

БавтIцири барча бунни респу-бликалул экономикалул министр ХIажу Султановлул, Лакрал рай-ондалул бакIчи Зураб Кучча-евлул, жяматийсса ишккаку, МахIачкъалалал Депутатъту-рал Мажлислал каялувчи Ма-рис Илиясовлул, СВО-лул Аьр-сатнал Виричу НурмаIаммад ХIажимаIаммадовлул нину Са-пжигат Мазавал кIицI лавгун-ни инсаннал оьрмулуву динда-



лул агъамсса кIану бугъайшиву, зумаритавал барз кьуртал хьур-чангу, ххуймур, хьинмур буллан дакIру мудангу кIункIу тIун аьр-киншиву. Махьру лавхъунни Лак-рал райондалул имам ХIабиб Батталовлул ва Ккуллал район-далул имам КъурбанмухIаммад МахIаммадовлул.

Ифтарданул сакиншинна-читурал хIадур дурну дия ава-дансса программа. Залданул проекторданий ккаккан дун-ни ЦIуминалий буллалисса РувхIанийсса центрдания – Баш-ларовлул цIанийсса мадрасали-ясса видеосурат. ЦIуссалакрал

райондалул имам Аьбдулла МахIаммадовлул буссунни ма-драсалуву Къуран лахъхьин буллалаврицIун рувхIанийсса тарбия дулаву, мяьрипат лахъ-хьин даву мурадрайсса даву-гу дуллантишиву. Ниттил маз лахъхьин баврихгу дагъайкунсса кьулагъас дикIантишиву.

Экрандалия видеолий лак-гу, Дагъусттаннал агьлугу бар-ча бунни цIанакул СВО-лийсса МухIаммад-Маннар Бариев-лулгу. Хъамаллурал буссунни хьинсса насихIатру, вичIи дир-хъунни дюххансса нашидирттах. ЛичIинува барчаллагъ увкун-

ни СВО-лий жанну дуллусса жагьилтурал нитти-буттахъ ва гьуртту хъанахъиминнал кул-патирттахъ. Ифтарданийн мин-найну овькуну бия.

Гъай-гъай, хъамаллурал тIивтIуну бия жула миллатрал дукрарду дусса авадансса ссу-пра. Мажлислал ахирданий цин-яв хIалану дурккунни салават. Дунни ххуйсса дуаьрду.

МахIаммад-Расул Оьмариев:

– Рамазан барз бусурман-нансса дарсирдал барзри, мадра-сар, школар. Зума дугъаврийну

жунма, кьинилун кIийлва буну-гу, ччатIул касакрал ва щинал ххувлул кьимат гъаз хъанахъис-сар, ва ифтаргу жула цашиврул лишанни. Ххаришиврул чанна лархъсса симанну дур ва кIанай, Аллагнайн вихсса инсантурал дакIурдил ххаришиву куннайх кув дачIлай, ца ххуйсса байран-далул асарду бур цинявннав. Вайксса инсантурал ччатI би-шинсса, укунсса даражалийсса мажлис бувансса даву бигъасса дакъассар, барчаллагъ тIий ура, ва даврил сакиншинначитуряхъ ва ваниха зий бивкIцириннахъ.

ПатIимат Зиркьева, Дагъ-усттаннал Муфтиятрал Ккул-лал райондалул Просвещения-лул хъаннил отделедалул хъун-мур:

– Хъуннасса ххариши-ву дур залданувун чIявусса агъали бавтIун тIий. Ца ин-сан щяйкIайсса кIану бачIва кьаливчIунни. Ва иширалгу чIалачIи буллалиссар диндалу-гу, байрандалулу хIурмат буши-ву, жула миллатрахгу ччаву ду-шиву. Дургъуцириннал зумарду-гу кьамулсса хъуннав! Уттиния тихуннайгу ва мубараксса бай-ран чIярусса шиннардий хъуна-дакъансса каша гьарманахъ-хъун Аллагнал дулуннав, дакIру имандалул дуцIиннав. Бувсса цадакьартту Аллагнал кьамул буваннав, дуняллий дакъаву хъуннав. Лакрал миллатрангу, дуняллийцири бусурманнан-гу Аллагнал хьинмур чивчуну льякьиннав.

ПатIимат РАМАЗАНОВА

Виричунаясса лу

Уттигъанну «Дагосиздат» Дагъусттаннал луттирду итабакъай издательствалул итабавкъунни «Амет-Хан Султан. Легенда авиации» тIисса Бутта Буттаевлул лу.

тирду итабакъай издательства-лий 21 щинал хъхъичI, АхIмад-Хан дуняллия лавгун 12 щина-ва. Луттирал ялув ва зий ивкIун ур АхIмад-Хан сагъну унува. ЧIярусса шиннардий салкъи дуллаь ивкIун ур ванаьсса ма-териалу. ЦIана итабавкъусса лу ххуйлчинсса издание хъа-най дур. Шиву гьарта-гьарзану буссун бур КIийла Виричу, ПаччахIлугърал премиялул лауреат, СССР-данул лайкъ хъус-са летчик-испытатель, бусалалу-вун агъсса АхIмад-Хан Султан-нул оьрмулия, дяввилий ккаккан дурсса кьучагъшивурттая. Бив-щуну бур дустурал бусласимур, цала дакIнин бичавуртту. Дур луттираву ляличIисса суратру.

Буттал кIанттул цIанийсса Хъунмаасса дяввилий Ххувша-ву ларсун 80 шин шаврицIун бавхIуну «Дагосиздатран» пи-кри хъунни «Дагестанцы – за-щитники Отечества» тIисса,

цIанихсса дагъусттанлувтурая-сса, миннувах АхIмад-Хан Сул-таннуяссагу, луттирду цIунилу итабакъин. Ва сериялуву итаба-къин тIий бур Совет Союзрал ва Аьрасатнал Вирттаврал цIарду лайкъ дурсса циняв дагъусттан-лувтураясса луттирду. Авторнал гьанчунал рязишинна аьркинну «Илчи» кказитрал кумаграйх-чин издательствалул хъунаманал хьиривмур УмархIусманнул душ Альпийт ХIажиева бувккунни Бутта Буттаевлул арсенал душ-нийн Александрин. Ца зурува жула Виричунаясса лу цIунилу дуняллийн бувккунни. Лутти-рал хъхъичI мукъуву автор бус-лай ур Виричунашчалса дусши-врия, цала кулпатирттал хIала-гьурттушиврия, дакIнин бутлай ур АхIмад-ХаннуцIун бавхIусса, тачIав чувчIав кьабившусса за-тру.

ДакIнин бутан, нигъ-ццацх дакъасса летчик-истребитель

АхIмад-Хан Султан Буттал кIанттул цIанийсса Хъунма-сса дяввилий 603-ла гъаз хъуну ур гьаваллаву аьралий бигар-ду бартбигъин. Гьуртту хъуну ур гьаваллаву 152 талатав-риву. Цалалу 30, цайминнашал 19 душманнал самолет дуртун дур. Летно-исследовательский институтрал летчик-испытатель хIисаврай гьуртту хъуну ур 97 са-молетрал хIал ххал бигълагъис-са леххавурттаву. Мукуна ва гьуртту хъуну ур цалчинсса ко-смонавтIал хIадур байсса про-граммалуву.

– АхIмад-Хан Султаннул жул кулпатрашал цIакъсса дусшиву дуссия. Ттаттал ганачIан ххи-шала бакъа хъунмаасса хIурмат бия. Лу цIунилу итабакъин ччай бушиврия буссукун, на хьин-ну ххари хъура, тIааьнну бия ттизаманнул дуняллий укун-са луттирду тIалавну бушиву, цучIав хъама ивтун акъашиву ва ттаттал захIматран лайкъ-сса кьимат бишаву. ЦIунил бу-клакисса луттирал текстра-ву дахханашиву дакъассар, так ххи хъуссар хъхъичIмур вари-антраву кьадиркIсса фронтра-ясса АхIмад-Ханнул суратру. Ттаттал архивраву яхъуну дур

чIярусса АхIмад-Ханнул суратру ва миннал цаннал цанначIансса чагъарду.

На дакIнийхтуну барчаллагъ-рай бура «Илчи» кказитрал ре-дакциялийн, шаэр, публицист Миясат Муслимовайн издатель-ствалул зузалтран ттуйнма бук-кан кумаг бувну тIий. АхIмад-Ханнуясса лу цIунилу дунял-лийн буккавриву зул хIарачатту буссар, – тIий бур Александра.

Вай луттирду булун тIий бур Р. ХIамзатовлул цIанийсса Миллатрал библиотекалувун. Школардай вай бикIан тIий бур оьрчIансса ххисаласса ли-тература хIисаврай. Алексан-дран пикри бур цинма буллус-са 50 луттирава цаппарасса М.Илиясовал цIанийсса «Да-раччи» ихIсандалул фондран, цаппарассагу райондалул шко-лардан, чара бакъа Гъумучиял школаун, авторнал буттал шя-раваллил, ЧIурттащиял школа-лун бахшиш бан.

Къунния лирчусса шинну ларгун махъ АхIмад-Ханнуясса лу цIунилу дуняллийн буккаву жула Виричунал ца абад дансса ва мунил автор дакIнин утансса ца ттигу хIучча хъанай бур.

Анриана АБДУЛЛАЕВА



ЧIурттащиял шяравасса аьлимчу, чичу, журналист, Дагъ-усттаннал лайкъ хъусса культу-ралул зузала, Аьрасатнал Жур-налистътурал созрал член Бут-та Буттаевлул цIакъсса дусшиву диркIиссар бусалдаравун агъсса летчик, Совет Союзрал КIийла Виричу АхIмад-Хан Султанну-шал. Ванаясса документально-художественная повесть Бутта Багъдадовичлул цалчин итаба-въуну бур Дагъусттаннал лут-

Волонтертал бувчIлан байбивхъунни

ту, цIу буккан бантIиссар пар-кру ва хъхъирил зуманивсса кIанттурду.

Щалагу Аьрасатнаву «Фор-мирование комфортной город-ской среды» программалул ла-

грулий байбивхъуссар волон-тертал бувчIлай. Ва хъанахъ-иссар жучIава яла хъунмамур волонтертурал корпус. Аза-рунния ливчусса жагьилсса дагъусттанлувттал хъунтIиссар

волонтертал. Миннал кумаг буллантиссар агъалинан про-граммалуву гьуртту хъун, бах-хана бансса кIанттурдах чIурду булун, агъалиначIан информа-ция биян буллан.

ЧIурду буллантиссар апрель зурул 21-нния байбив-хъуну июндалул 12-ннийн би-яннин. Луглай бур оьрмулул 14 щинава бувксса, ва даври-ву хушрай гьуртту хъун ччисса инсантурах. Гьуртту хъун ччи-миннаша «Добро.рф» сайтрай сияхIрай бацIан хъунтIиссар.

Анриана АБДУЛЛАЕВА

Гъарица шинах «Форми-рование комфортной горо-дской среды» тIисса феде-рал программалул лагрулий агъалинал ккаккан байссар цукун баххана хъунтIиссарив цанма ххирасса бигъалагай кIанттурду.

БантIиссар цIусса аллеярд-ду, оьрчIансса площадкарт-

Ялув- Чатлухъиял щарнил жямат хажалатрай бур

Рутуллал райондалийсса Ялув Чатлухъиял шяраву, муькалва гьантта букканнинма, цаннал хъирив ца, шама аьралийчунал жанну дуллунни хасьса аьралий операциялий.

ХИажимирзаларс Макьсумов Абакардул оьрмулдул диркIун



дур 50 шин. Институтгу къуртал буну, ва зий ивкIун ур МахIачкьалалив. 2001-2006 шин-нардий зий ивкIун ур УФСИН-далул спецназраву. Миннувату 2 шинай жула ца дурксса генерал Муслим Даххаевлул структуралий. Мунниа махъ зий ивкIун ур Краснодардал крайрай.

2022 шинай шийнай гьуртту хъанай ивкIун ур СВО-лий. Талатавриву шавурду дирну, хъин хъанай ивкIун ур. Мунниа махъгу махъунай СВО-лийн лавгун ур. Абакар ивкIун ур майорнал чиндалува, гьужумчитурал взводрал командирну. Ванал цIуну бувкIсса аьралийтуран гьужум баврил (штурмовая группа) сант лахъхъин дуллай, яла ми передовойлийн цашалва буцайсса бивкIун бур. Гьашину февральданул 4-нний Абакар аьпалул хъуну ур ца талатавриву ДНР-данул Новопавловка поселокрай. Ва лайкъ хъуну ур «За отвагу» ва «За ратную доблесть» тIисса паччахIлугърал наградтан.

Багъавуттиннул арс ХИашимов Бекир ивкIун ур 39



шинал оьрмулувусса, чурххалгу битавсса жагьил. Аьралуннава багъайсса буржгу биттур буну, Бекирдул чирчуну диркIун дур 5 шинайсса контракт, къуллугъ булла ивкIун ур Краснодардал крайрай. Контрактрал чIун къуртал хъуну махъ ванал къабивтун бур аьралуннавусса къуллугъ. СВО байбихъусса чIумал, Бекир зана хъуну ур контрактникнал къуллугърайн, цалва дустал-къардашталгу та-

лай бухъувкун. Амма ва ххуллукъ Бекирдул нитти-буттая къюлтI буну бур цува СВО-лийн най ушиву. Ванал аьралуннавусса сьнат диркIун дур артиллерист, муниату СВО-лий ва ивтун ур боевой расчетрал хъунаману. Бекир каялувчисса расчетрал битавуртту дурну махъ, расчет ладитайсса кIанавун буххайсса чIумал, хъуннасса дрон пIякъ куну диркIун дур тIайланна расчетрача, тикку Бекиргу оьрмулуца хъуну ур. Му иш хъуну бур гьашину маршрутрал 6-нний ДНР-данул Добровольскал райондалий.

Уружлул арс Халидов Романнун диркIун дур 33 шин. Ванал ва ванал уссу Русланнул



нину-ппу аьпалул хъуну бур уссурвавран 18 шин хъусса чIумал (вай кIинничалтри). КIиягу уссу армиялийн цачIу лавгун бивкIун бур, аьралуннава зана хъуну махъ, цачIу контрактгу чирчуну, къуллугъ булла ивкIун бур Росгвардиялува. Москвавилл шанна шингу дурну, кIиягу зана хъуну бур контрактрал къуллугърая шаппай.

Яла Руслан тIима уссу лавгун ур СВО-лийн. Шиккува бусан, ванал, цайна захIматсса шаву дирну дунугу, 4 хIаписар ххассал увну ур машиналий.

2025 шинал уссу СВО-лий ухъувкун, Романгу лавгун ур контрактрай къуллугъ булла уссу усса частьравун. Къуллугъ булла ивкIун ур гьужумчитурал (штурмовой) роталува. Машиналий боеприпасру (ккулла-янаса) передовойлийн диян дан лавгсса чIумал, тикку диверсантътурайн тIайла авцIуну, маршрутрал 18-нний жандалуца хъуну ур. Ва ккаккан увну ур Жуковлул медальданун.

Вай шамагу СВО-лий аьпалул хъусса жагьилтал ккаккан буну бур Чувшиврул ордендалун.

Хъун дакъасса Ялув Чатлухъиял шяраву СВО байбихъунни шийнай жанну дуллунну дур 7 жагьилнал, 2 бат хъуну ур ятIатIар бакъа.

Ялув Чатлухъиял жямат ливтIуминнал нитти-буттахъ, мачча-гъаннахъ къурчIишиву кIидачIлай бур. Дард-хажалат духIансса сса-вур дулуннав Заннал зухъхъун! ЛивтIуминнал аьпа баннав, алжаннул ххари баннав.

Валихан АБЛИБЕКОВ
ХIадур бувсар
ХI. АБДИЛОВЛУЛ

Уссурвалшиврийсса миллатирттал дянивсса форум

Уттигъанну МахIачкьалалив Расул ХIамзатовлул цIанийсса Миллатрал библиотекалува хъунни Беларусь АьрасатнацIун цачIун хъуну 30 шин шаврин хас бувсса, «Беларусь – Дагестан: духовное родство» тIисса цIанилусса Шалагу Аьрасатнал VII-мур форум. Мероприятие сакин дурну дия «Уздени Дагестана» ДРОО-лул ва ДР-лул Миллатрал политикалул ва диннал иширттал министрствалул чIарав бацIаврийну.

Шиккугьуртту хъунни властьрал органнал, рувхIанийсса, жяматийсса идараттал вакилтал, Беларусьнавасса хъамал, чил билаятирттаясса студенттал, искусствалул ва культуралул ишккакулт.

Форум наниссаксса хIаллай библиотекалул жанахIраву тIиртIуну дия «Вижу Беларусь такой» тIисса цIанилусса Беларусьнал фотохудожник, Беларусьнал Чичултрал союзрал член Владислав Цыдиклул фотovyставка.



Мажлис тIитIлай, ихтилат бунна Миллатрал библиотекалул директорнал хъиривчу МахIаммадрасул МахIаммадрасуловлул. Ванал кIицI лавгуна форумрал мурал Аьрасатнал ва Беларусьнал дянивсса хIала-гьурттушиврийсса ва дусшиврийсса арарду цIакъ даву душиву.

ДР-лул миллатрал политикалул ва диннал иширттал министрнал хъиривчу Камал ГьалбацIовлул бувсуна, билаятрай захIматсса тагъар хIасул хъусса ппурттуву, Беларусьнал халкъуннал жула миллатирттал дянивсса тарихрал, культуралул ва патриот тарбия дулаврил кьиматрай дурмур лайкъну дуручлай бушиву. Ванал мукума бувсуна, Дагъусттаннал Муфтиятрал ва Беларусьнал Бусурмантурал рувхIанийсса управлениялул дянивсса хIала-гьурттушиврийсса къутIи дурну душиву. Беларусьнал рувхIанийсса управлениялул вакилтал мудангу гьуртту хъанай бур Дагъусттаннай буллалисса Дуниялул халкъуннал дянивсса жагьилтурал диндалул форумирттай.

Форумрал агъамшиву кIицI лаглагисса ихтилатру бунни «Уздени Дагестана» ДРОО-лул председатель Керимхан Умахановлул, Дагъусттаннайсса Аьрасатнал аьралий тарихрал суккушиннарал отделениялул каялувчи Энрик Муслимовлул, Дагъусттаннал Хъаннил союзрал председатель Хасайбат Валиевал, «Республиканский центр русского языка и культуры» ГБУ РД-лул директор Руслан Луговойлул, МахIачкьала шагьрулул Жагьилтурал парламентарал председателна хъиривмур Ххадиджат МахIаммадовал, региондалул Ветерантурал советрал председатель МахIарам Аьлиджановлул, Дагъусттаннал Музыкантътурал союзрал правлениялул председатель Хан Башировлул ва м. ц.

Форумрал лагрулий «Уздени Дагестана» ДРОО-лул чулухасса хIурматрал грамотартту дуллунни Хасайбат Валиеван, аьралийтал мухчан бан ишла дайсса

къертту шашлашисса «Диалог» тIисса центрданул каялувчи Зайнаб Рашидован ва Р. ХIамзатовлул цIанийсса Миллатрал библиотекалул чил билаятирттал мазурдил литературалул отделданул хъунмур Зарина Къажлаеван.

Хъамаллуран ва форумрал гьурттучитурал культуралул программа ккаккан дурна Дагъусттаннал халкъуннал артист МухIсим Камаловлул, Аьрасатнал искусствалул лайкъ хъусса ишккаку Хан Башировлул, Дагъусттаннал халкъуннал артистка Зульфия Илиясовал, МахIачкьала шагьрулул 4-мур оьрчIал искусствалул школалул ансамбльданул къавтIалтрал. ДГМУ-раву дулкакисса чил билаятирттаясса судентьтурал бувккуна ингилис мазрайсса шеъриду.

Форумрал лагрулий ккаккан дурна Беларусьнал культуралия ва рувхIанийсса ирсирая, хIала-гьурттусса дахIавурттая бусласисса видеофильм.

Имара САИДОВА

Лакрал халкъуннал учаларттава

Жагыл шинугу, уттисса оьрмугу хьурдай.

Жува – хьуслих, бивкIу – жухва.

ИвкIу инсан левш чирахъри.

Инавагу халкъуннал бува винмагу буну чарчан.

Инсан чарил акъар – чаругумали пив шай.

ИчIува кулпатрачIасса бивкIу ссувхIатри.

ИкъавчIан лъвхъума акъассар.

ИшттахI ккарччал луватур буккайсса.

Инсангу оьрмулухун жагылна къаикIайссар.

Кусанай чIири къахьурчангу, хьунаврив шайссар.

Ккаччи хьунмав хъанай, карчI хьунма хъанай.

КIусса шаву хьин дан шайссар, оьккисса цIа ххуй дан къашайссар.

КIусса азар хьинссар лахъисса азаруннир.

Къатлуд хьуннал къяна мюрай.

Къаркъала дур – яхI бакъар.

КIюламур мурхъри лахIан бикIайсса.

КIира вичIугу, ца мазгу жунма бувсса чIарусса вичIи дирхьуну, чансса бусланни.

Лакъи ларгсса азар хьин дан захIатссар.

Лякъа дурччукун, чурх бигъа лагайссар.

Я Аллагъ, буручча ттул Дагъусттан!

ХIакъину ДагъусттаннайхI кьини дурксса чIумал, жула халкъуннал муданна кунна ккаккан дунни цала чувшиву ва чумартшиву, инсаншиву, иш багъний чIарав бацIан хIадуршиву. Шайма шайсса кумагру буллай, арцуьну, дука-хIачIиялийну, лаххаликкиялийну, лагма лавгунни балаллуду ливчIсса инсантуран кьини лахъан кумаг бан. Ххуйсса кумаг бувкIунни Дагъусттаннайн Къабардин-Балкъарнава.

ЧIарусса шиннардий тухалу кIилчинмур ватанну хьуну, республикалуд хьун шагьрулий Нальчикрай ялапар хъанхъисса, тийх бусраврай ва хIурматрайсса АбдурахIманнул ва ХьункIултIутIи Оьмаровхъал



ХьункIултIутIи (куях цалчинмур) партиялуд уртакътурацал



Дилпиназ (куях цалчинмур) дустурацал

кулпатрая ва вайннашал хIалагьурттусса кIанттул жяматрая. Вайннал дагъусттанлувтуран кумагран гъан дунни шин кIункIу дайсса насос ва хIачIайсса шинал шушрал бувчIусса машина. Оьмаровхъул Дагъусттаннаясса бушиву кIулну, вай кIулмигу цала кумагру вайнначIан биян буллай бия. КIилчинсса тихасса фура бия цIусса лахха-ликканмунил, шану-кIараллал бувчIусса. Ми тIайла дурккунни Оьмаровхъал хьунмур душнил Дилпиназлуд ва ванил дустурал. Дилпиназлуд цила ттучандалувагу дирхьунни диялсса янна-ка.

Цуппа ХьункIултIутIи тийх-

кнан кумаг буллай аьдатсса халкъру. ОьрчIинияцIава мукунарбия хьусса буру. Шийх жул хIурмат-хатир дусса циняв, цала ттучанну бусса душнил дустал чялиш бувккун бур Дагъусттаннан кумаг бан. КIицI къалавгун битан къахьунссар «Дипломат» ттучандалул заллу Нелла, Оьмаровхъан цала душ кунмасса, Дилпиназлуд ца ссу кунмасса Марина Элегант, мукунармасса, «Большая модница» ттучандалул заллу Огнеса, Рита Алхасова. Багьлул ххирасса, кIинттулсса, гьинттулсса, арамуларсса, хъаннилсса янна дуркIунни вайннал. Жул кулпатрал хIурмат къабансса шийх акъассар. Жува чил кIанттурдай чальаьрдаву, чаннасса чирахьиртгалу бухьурчагу, жула Дагъусттаннайсса навтлил чирахьугу, зурул чанигу, ниттибуттшачал, Хьуннашиял жяматрашал гъан дурсса оьрчIшивугу, жун тачIав хъама къаритайссар. Аьзиз Дагъусттан – жул дакIиву лавхъсса чирахьри. Жугу буссару зушал, ххирасса дагъусттанлувтгал, гъаралу ва щинаву, буссару дакI ций, иттату макъ най. Я Аллагъ, ва зул ялун бивсса бала хьунмунил хьхьичун багьну льякьиннав, давран бакIрай бацIаннав, давлат чIанийн багъаннав! Ва дунияллий яла гуж бумур зат дуаьри. Гъарица чак байтарив, на дуаьлий буссара, я Аллагъ, жул буттал аьрщи дуручча, бала-апатI арх бува, халкъунахъхьун ссавур дула тIий, – дуаьлий бур ХьункIултIутIи.

ХьункIултIутIил хьунама уссийл ГъазимахIаммадлул тIиртIунни счет. Дичлай бур миккун дагъусттанлувтуран кумагрансса арцу. Ва счетрайнгу хьхьичIра-хьхьичI арцу дирчунни вайннал цала ссийл Калиматлул.

– Жу мухтажнан, кьини дур-

кнан кумаг буллай аьдатсса халкъру. ОьрчIинияцIава мукунарбия хьусса буру. Шийх жул хIурмат-хатир дусса циняв, цала ттучанну бусса душнил дустал чялиш бувккун бур Дагъусттаннан кумаг бан. КIицI къалавгун битан къахьунссар «Дипломат» ттучандалул заллу Нелла, Оьмаровхъан цала душ кунмасса, Дилпиназлуд ца ссу кунмасса Марина Элегант, мукунармасса, «Большая модница» ттучандалул заллу Огнеса, Рита Алхасова. Багьлул ххирасса, кIинттулсса, гьинттулсса, арамуларсса, хъаннилсса янна дуркIунни вайннал. Жул кулпатрал хIурмат къабансса шийх акъассар. Жува чил кIанттурдай чальаьрдаву, чаннасса чирахьиртгалу бухьурчагу, жула Дагъусттаннайсса навтлил чирахьугу, зурул чанигу, ниттибуттшачал, Хьуннашиял жяматрашал гъан дурсса оьрчIшивугу, жун тачIав хъама къаритайссар. Аьзиз Дагъусттан – жул дакIиву лавхъсса чирахьри. Жугу буссару зушал, ххирасса дагъусттанлувтгал, гъаралу ва щинаву, буссару дакI ций, иттату макъ най. Я Аллагъ, ва зул ялун бивсса бала хьунмунил хьхьичун багьну льякьиннав, давран бакIрай бацIаннав, давлат чIанийн багъаннав! Ва дунияллий яла гуж бумур зат дуаьри. Гъарица чак байтарив, на дуаьлий буссара, я Аллагъ, жул буттал аьрщи дуручча, бала-апатI арх бува, халкъунахъхьун ссавур дула тIий, – дуаьлий бур ХьункIултIутIи.

Анриана АБДУЛЛАЕВА



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хьунама: МахIаммаев Аь.М Тел.: 65-00-25

Хьунама редактор: Къардашов Р. Аь. Хьунама редакторнал хьиривма: Башаев Р.М. Жаваб дулайсса секретарь: Исмяилова С.Р.

Редколлегия: Адамов АбдурахIман МахIаммадович Абдуллаев Сапарбаг Аьлиевич Аьлиев ХIажи Сулайманович Исрапилов Артур Анварович Маммаев Сулайман Нурагитович МахIаммадов Юсуп ХIамидович Оьмаров Супиян Расулович Илиясов Марат Сиражуттинович Хасаева Гульшан Рамазановна ХIажимирзаев Зиябуттин Абусулиянович ХIусайнаева Качар Абачараевна Шайхалиев Астемир Икрамович Шалласуев Шалласу Рамазанович Эльдарова Роза ХIажиевна

Отделлал редактортал:

Абдуллаева А. П. Аьдилов ХI. А. Рамазанова П. ХI. Тахакъаева З. К.

Корреспондентгтал:

АбдурахIманова З. Т. Аьлиева Б. Д. Саидова И. А.

Корректор:

АхIмадова А.И.

Кказитрал дизайнертал:

Абакарова К. Н. ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал.

Редакция макъалалуд залуннал пикрилий рязину бакъахьурчагу, макъала рищайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачичайссар ва ми залуннахъхьун зана къадайссар.

Кказит буккайссар ножмардий цал. Шинай итабакъайссар 48 номер.

Кказитрал индекс. П7046

Тираж – 1735 экз.

Адрес редакции и издателя:

367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Феникс-пресс».

Адрес: РД, Шамилский район, с. Хебда, ул. Сураката Асиятилова.

Срок подписания в печать 19.00. Подписано 19.00.

Цена 10 руб.




4 651116 280051

МАХIАЧКЪАЛА



Гъавалул тагъар



ГЪУМУЧИ

